

中華文學精華

注音

文宗朝侯

味經堂選本

注音
侯朝宗文

揭要

明中葉後之文，病冗、病膚、病媚、病鉤、棘，蓋夢陽景明摹仿馬遷之說，有以誤之也。夫合離起伏，變化不測，馬遷之文也；變化之中，規矩秩然，唐宋八家之文也；必借徑於八家，而後循序漸進，以求幾乎馬遷，此精於文者之公言也；此義也，侯子得之。

小傳

先生名方域，字朝宗，河南商邱人。性豪邁，多大略；與桐城方以智如皋冒襄宜興陳貞慧稱四公子。福王時爲阮大鍼所搆，走依高傑得免。入清中順治副榜。初放意聲伎，已而悔之。卒年三十七，有壯悔堂文集四憶堂詩集。

注
音
侯朝宗文

目次

太子丹論……………	一	樓山堂遺集序……………	二八
王猛論……………	五	陳其年詩序……………	三一
顏真卿論……………	八	贈陳郎序……………	三四
豎人臧說……………	一三	書昌黎潮州上謝表後……………	三八
狄仁傑反周復唐辯……………	一五	書練貞吉日記後……………	三九
萬孝子割股議……………	一七	書吳延仲集後……………	四一
贈徐子序……………	二〇	答田中丞書……………	四三
大寂子詩序……………	二三	癸未去金陵日與阮光祿書……………	四五
八陣圖序……………	二五	爲司徒公與寧南侯書……………	四九

與任王谷論文書……………五二
陳將軍二鶴記……………九四

與吳駿公書……………五六
管夫人畫竹記……………九六

答張爾公書……………五九
明東平州太守常公墓誌銘……………九九

司成公家傳……………六一
明都察院左都御史太子少保贈

賈生傳……………六八
少保陳公墓誌銘……………一〇一

吳伯裔伯胤傳……………七一
沈季宣墓誌銘……………一〇九

徐作霖張渭傳……………七三
郭老僕墓誌銘……………一一〇

湯御史傳……………七七
祭吳次尾文……………一一三

寧南侯傳……………八二
憫獐……………一一五

李姬傳……………八九
盧告……………一二七

馬伶傳……………九二

注音
侯朝宗文

味經堂選本

太子丹論

戰國燕王喜子，質於秦，亡歸。見秦兵臨易水，陰養壯士，使荆軻獻督亢地圖及樊於期頭於秦，因襲刺秦王。

覺殺軻使王翦擊燕，王喜斬丹以獻秦。

天下有繩墨之論，而挫英雄志士之氣者，如以荆軻切苦何爲盜是也。況乎狃

紐音於成敗之形，而不察於確然之數，以忠臣孝子不得已之深心苦行聲去，不痛惜

其不幸，而反以爲罪，則何以爲後之國家者處仇敵法也？

昔者，燕平太子丹遣荆軻入秦，刺始皇不中聲去，秦人來伐，王喜斬丹頭以獻

於秦，國竟以滅。宋儒曰：丹有罪焉，故書斬。

嗚乎！丹之心事，可以告之皇天后土而無憾矣！其死也，將不見其始祖召公

奭釋音於九原，卽引而進之周之先文王武王之側，亦豈有慚色哉！本意欲殺敵，不

遂則死，已決絕於易水送軻之日矣。其書斬者，固其所笑而不受也。

然且何以罪丹乎？曰：召釁也。喜印切夫強秦之欲滅燕，豈待有釁哉？彼六國之

見滅者，又坐何釁也？刺亦亡，不刺亦亡，三尺童子，能辨之矣。卽云幸而苟延焉，乃

蜉蝣浮音游音之朝夕也；尙不得爲螻蛄惠音孤音之晦朔也。有兩人行而遇虎者，其一惶

恐拜跪而乞哀以死，其一大呼奮臂鬪不勝而死；而論者，顧以乞哀爲智，以大呼

奮臂爲狂佻，條音嬰音而撻虎之怒，則何其愚且謬也！

且太子丹之遣軻也，或籌之熟矣。秦之橫行而不可禦，乃天下驚魂震魄，自

懾職音攝切伏於秦，非秦果能制天下也。斬竿一呼，而天下瓦解，相去幾時，秦旣無德

以入人，而其勢又非蟠盤音結而不可動；設一旦其萬乘之君，立死於匹夫之手，國

有不內亂乎？天下豪傑，因以知其不足畏，而太子丹者，且收合六國之餘燼，習印切

以西向而前，吾恐嬴盈音氏之亡，不待沛公之人關矣。其以洩泄音暴秦之威，而倡天

下之義，莫此一擊若也。他日張良之椎，鍾音蓋猶踵荆軻之劍而爲之者也。其不能

成，則天也。故荆軻之與聶妮輒音政，不可同日語也。

宋人有見於戰國之世，聖人之道不明，先王之法不立，其公子養客而俠士輕生，故一切以儒者之論繩之。惡聶政之以私害公，而并及之於軻；惡原嘗春申之屬，而并及於太子丹。譬如右醫之於藥者，不察其人之何病，而概以烏附爲不可用，日以寬和之劑，切詩養其腸胃，又安能起久痼韻音而生之乎？

且天下固多散緩肥重以死者，何必其暴蹶音厥也。宋之亡也，秦檜湯思退之流，日以挑釁之說，挾持殺戮天下之謀臣戰將，始終以講和誤其國，僅有一大儒如考亭者，猶所見之如此，亦何怪乎三百年閒，多議論而少成功哉！

然則軻可爲忠臣，丹可爲孝子乎？曰：由今日論之，軻可爲忠臣矣！而要之其人，則英雄而感恩者也。設其遇嚴仲子，未必不爲之用也。若太子丹者，雖與日月爭光可也！

【繩墨之論】泥守成法之議論。

【荆軻】戰國齊人，徙於衛，衛人謂之慶卿，之燕，燕人謂之荆卿，好讀書擊劍，燕太子丹客之，欲

令劫秦王，既至，以匕首擣秦王不中，被殺。

【爲盜】綱目荆軻書盜，做春秋之書齊豹，清袁枚曾著論以駁之。

【狃】習也。詩：將叔

無耻。【喜】太子丹之父。【召公奭】姓姬氏，名奭，武王滅紂，封召公於北燕，成王時爲三公。【九原】晉卿大夫之墓地在九

原，後世因謂墓爲九原。【易水送軻】易水，在今河北易縣。史記刺客傳軻入秦，太子及賓客皆白衣冠送之，至易水之上，高漸

離擊筑，荆軻和而歌曰：風蕭蕭兮易水寒，壯士一去兮不復還。【宋儒】即朱子。【覺】塗諱陳曰覺，因即謂諱陳曰覺。左桓：鱣有

覺，不可失也。【蜉蝣】蟲名，夏秋之交，多近水而飛，往往數小時即死，故有朝生暮死之說。【蟪蛄】蟬之屬，夏末日朝至暮，鳴聲

不息，蟪亦作惠，莊子：惠蛄不知春秋。【佻】輕薄也。詩：小雅：視民不佻。【僨服】懼威勢而屈服也。戰國策：趙楚僨服不敢攻秦者，

白起之勢也。【斬竿】即揚竿。謂倉卒舉事，僅得揚竿以號召也。【瓦解】百解散如瓦自裂也。史記：秦之積衰，天下土崩瓦解。

【萬乘】周制：天子地方千里，出兵車萬乘。後世因謂天子爲萬乘。【六國】燕、趙、魏、楚、齊。【燼】火餘。【嬴氏】秦也。

【沛公入關】沛公，漢高祖，入咸陽，還軍霸上，與父老約法三章。【洩】滅也。左昭：濟其不足，以洩其過。【張良】名良，字子房，其

先韓人，秦滅韓，良悉以家財求刺客刺秦王，爲韓報仇，得力士，以椎狙擊始皇於博浪沙，中副車。【踵】繼也。【聶政】戰國魏軹人。

韓卿，嚴遂與相韓傀有隙，欲報之，聞政勇敢，乃奉黃金爲母壽，政以母在不許，及母死，獨行仗劍刺殺傀。【繩】糾人之失，繩愆糾

謬。【原嘗春申】趙平原君，齊孟嘗君，楚春申君。【烏附】烏頭，附子也，有毒之植物。本草綱目：烏頭與附子，天雄，側子，烏喙，本

爲一物。急就篇注：一歲爲側子，二歲爲烏喙，三歲爲附子，四歲爲烏頭，五歲爲天雄。【瘡】久病也。【暴蹶】猶暴死也。【秦檜】

宋江寧人，字會之，紹興間爲相，力持和議，阻止恢復，殺岳飛，竄張浚趙鼎，一時忠臣良將，誅鋤殆盡。【湯思退】宋處州人，字進之。

紹興時，以附秦檜，累官參知政事。隆興初，金人窺四郡，思退許之，太學生張觀等請斬思退，思退憂悸死。【考亭】在今福建建陽縣

西南。清一統志：朱子少依父友劉子羽，寓建之崇安，後徙建陽之考亭，後因稱朱子爲考亭。【嚴仲子】即嚴遂，見聶政注。

王猛論

前秦人，字景略，博學好兵書，隱居華山，桓溫入關，猛被褐詣之，捫轂而談當世之務，後事苻堅爲丞相，削平諸國，封

清河郡侯，卒諡武。

唐荆川曰：王猛者苻堅之謀臣也，此可謂得猛之著者矣。猛處天下分崩之時，其志未嘗不在中原，及其不得已而見用於異國，猶惓惓不能忘，猛蓋識大義者也。

嗚乎！三代而下，亂世之臣識大義者，諸葛亮王猛而已。亮始終心乎漢者也，猛始終心乎晉者也。然亮仕於漢，而爲漢人之所知也；猛仕於秦，而爲晉人之所不知也，吾故舍亮而論猛。

當猛之隱於華陰也，姚氏石氏多雄略之主，豈不能出而佐之？以爲是氏

低音

羌

欺切

僭竊者，而非其志也。志不肯輕出，而又無以自達於晉，故寧隱焉。逮夫桓

溫入關而後喜可知矣。被褐易音而謁，捫門音虱而談，詎偶然哉？溫見之而與論三秦

之豪傑，既而曰：「江東無君比也。」蓋温且心折於猛矣。乃温還而猛不從，何歟？嗚乎！猛，英雄也；温，亦英雄也；天下英雄之與英雄，可一望而知，猛從温，則温必大用猛。然而温欲篡晉，其從之則苟或切於六郭嘉之下者也；不從温，又必殺猛。天下英雄之相愛而相用也，出於誠。然而英雄之殺英雄，與其見殺於英雄者，則必皆出於萬不得已，苟有可以釋之，而可以全之，斷不相強也。故此時猛不難於舍温，温亦不難於舍猛。温欲篡晉，猛之所知也；猛必不從温篡晉，亦温之所知也；然猛自是始無望於晉也矣。

晉偏安江左，僅有一桓温，足以有爲，而又不可以從，大軍一還，彼崎音晉澠音函谷之閒，豈復尙有奉正朔，襲冠帶之日哉？其出而相苻堅者，猛之不得已也。一出而強兵富國，擴疆啓宇，勳績爛然，說者以爲苻堅之管仲，是固猛之生平所裕如者也，不足異也。垂沒而告苻堅曰：晉正統相承，上下輯睦，非所可圖，臣死之後，願無以晉爲念，而後其本懷見矣。故吾以爲猛者，非僅僅功名之人也。

然則猛盍并不仕秦？曰：猛之才高於諸葛亮，而澹泊寧靜不及。即其治秦也，亦以英氣爲之，而多不可耐。使亮不遇先主，則必不仕吳魏者，亮之所能也；猛不遇晉，則并不仕秦者，非猛之所能也。然而，當猛之時，可以爲晉難去者，莫秦若也。猛存則以秦存晉，猛亡猶欲以秦存晉，是則吾之所爲識大義者也。

【唐荆川】明武進人，名順之，字應德，嘉靖中會試第一，累擢右僉都御史，著有荆川集。

【苻堅】前秦，雖三子，字永固，一名文玉。

晉升平中，僭稱大秦天王，改元永興，俄復改元甘露，晉興寧中，又改元爲建元，以王猛輔政，五胡中最稱強盛。【中原】對於邊境及

蠻夷而言，晉以中原與江左並稱。

【異國】指秦。

【倦倦】懇至也。漢書：倦倦之羞也。

【諸葛亮】蜀漢陽郡人，字孔明，自

比管仲樂毅，後從先主敗曹操於赤壁，及成都平，策爲丞相，封武鄉侯，卒諡忠武。

【姚氏】後秦姚弋仲姚萇也。

【石氏】後趙

石勒也。

【氏羌】西戎也，指姚氏石氏。

【逮】及也。

【褐】短衣也。

【論二秦豪傑】項羽三分關中，王綽將於三

秦，今陝西省。桓溫問曰：吾奉天子之命，將銳兵十萬，爲百姓除殘賊，而三秦豪傑，未有至者，何也？猛曰：百姓未知公心，所以不至。【心

折】心服也。

【荀彧】後漢潁陰人，字文若，曹操以爲奮武司馬，軍國事悉以咨之。董昭等欲進封操爵爲魏公，彧曰：曹公本興義兵，

不宜如此，操心不平，會彧病，操饋以空器，遂飲藥卒，諡敬。【郭嘉】三國魏陽翟人，字奉孝，曹操召見論天下事，曰：使孤成大業者，必

此人也。表爲司空軍祭酒，封洧陽亭侯，卒諡貞。

【偏安江左】稱帝於一方，而無全國統治之權者，謂之偏安。江左，即今江蘇等地

是也。

【崤澠】崤山澠池也。崤山在河南洛寧縣北，澠池，縣名，屬河南省。

【函谷】關名，在今河南靈寶縣南，東自崤山，西至潼

津，通名函谷。

【正朔】正月一日也。古王者易姓，改正朔。

【襲冠帶】因而仍之曰襲，首冠腰帶，文化之人所必需也。

【盍何不也。】【澹泊寧靜】恬靜。欲也。諸葛亮誡子書非澹泊無以明志，非寧靜無以致遠。【以秦存晉】即垂沒告苻堅

數語。

顏真卿論

真卿，唐萬年人，字清臣，博學工辭章，累擢侍御史。代宗朝，再遷至尚書右丞，封魯郡公。德宗時，李希烈反，盧杞

建言遣真卿往諭，希烈脅之，不屈，遇害，諡文忠。

徇國以死之謂忠，抗道不回之謂直，若此者，魯公顏真卿能之。然而，當天下變故之際，亂成於前而禍伏於後，強藩不順，人心不服，中外觀其設施，賴其彈壓，所謂大人宰相之事也。以忠臣當之可乎？曰：不可，忠臣能不負國而已。以直臣當之可乎？曰：不可，直臣能不貶道而已。然則真卿何如？曰：真卿者，所謂唐之大人宰相也。唐用之不盡其長，公僅以忠直見焉而已；推公之心，蓋嘗慷慨以經濟自許，而思所以用之，豈樂夫悻悻孤子，必置其身於危地，而與天下後世爭此一日之名哉？

當祿山叛而平原固守，稍識逆順者皆然，不必真卿也。卽云早知其叛，而預爲之備，彼之蓄有逆志也久矣，特明皇不悟耳，又不足爲真卿異也。迨夫凶焰轉張，諸郡連陷，公乃謀於衆曰：「賊銳甚，不可抗，委命辱國，非計也，不若徑赴行在。」嗚乎！天下有其實未固而助之以聲，其威尙隱而係之以望，公所謂以聲望係唐之強弱者歟！

祿山甫叛，而堂堂天子，倉皇西走，哥舒老將，一戰投戈，河北二十四郡，無復忠臣，獨有一魯公奮袂而起，椎牛歃_{山洽切}血，號召連結，以橫塞賊衝，是其聲望豈渺小哉！固賊人之所震而驚，而天下之忠義所觀望而激發也。設不審時度力，而一旦成擒，則逆賊之氣彌振，而天下之志以挫而威以消沮矣；豈特一郡之得失，一身之死生而已哉？委之而去，正其全身以全國者也。不然，公之生平，豈愛一死者，而使聞風逃潰_{戶內切}之徒，得以借口哉？公蓋熟知逆賊之情形，而又自料其廓清之才，當在李郭之列，帷幄之算，當與鄴_{業音}侯相伯仲，而不肯遂以平原畢一旦

之命也。

其見上也，而以爲御史大夫，又以爲司寇，唐人不知公也。其後代宗在陝，是時僕固懷恩雖未叛，然其逆節已著矣，公請自往召之，諭以勤王補過，使用其言，豈有回紇連兵之禍哉？代宗得以保全其功臣，而一時強藩之歸命者，不至再爲猜阻，目前又得其兵以自衛，此皆轉移於呼吸之間，不動聲色，而因敗爲功，化有事爲無事，是其深識老謀，惟李泌秘音陸贄僅知之耳，豈特區區辨逆順者哉？

又有不止於此者，玄宗在蜀，而祝冊署嗣皇帝，則真卿諫；李輔國遷太上皇於西內，則真卿率百官問安以諫，代宗自陝還，先入宮而不謁陵廟，則真卿又諫。此皆名分節目之要，而當時自魯公外，無有能言之者。

嗚乎！唐之三百年，治日少而亂日多，其君臣父子之間，傳授不明，而將順不正，六月四日之變，神堯遂退爲太上皇，而太宗卽位，房玄齡杜如晦不知其非也。太平公主誅，睿宗遂退爲太上皇，而玄宗卽位，宋璟影音不知其非也。浸假而至於

靈武之事，天下益以爲固然矣；獨公於事後，猶能辨其幾微，而謹嚴之於大義；使
得盡出其底蘊，如杜房諸人之遭際，必有舉措適宜，使天下相觀而喩，而有以逆
銷其僭亂之萌，又豈必待其著而力爭於甲兵權數之間哉？然則魯公之學術，獨
見其大，固唐三百年之一人也，雖爲宰相可也。

【魯公】真卿在代宗時，封魯郡公，故稱魯公。【強藩】指李希烈之輩。【眨道】損抑其道。【經濟】經世濟民。【悻悻】

悻悻之貌。孟子：悻悻然見於其面。【子】單也。【祿山】營州柳城胡人，本姓康，初名阿鞞山，又作札鞞山。少孤，隨母嫁安延偃，乃冒

安姓。及長，通六蕃語，累遷范陽節度，兼河北採訪使，逆謀日著，遂舉兵反，陷京師，自稱雄武皇帝，國號燕，建元聖武。【平原固守】

真卿爲揚州忠所惡，出爲平原太守，度安祿山必反，乃陰爲備，祿山叛，平原獨完。【明皇】唐玄宗，睿宗第三子，名隆基，起兵誅韋氏，

奉安睿宗即位，旋受禪。天寶後寵貴妃楊氏，致安祿山之亂，避難奔蜀，在位四十四年。紀元三，先天，開元，天寶。【凶焰轉張諸郡

連陷】祿山叛，真卿與從父兄杲卿等起兵討賊，河北諸郡，共推爲盟主，拜戶部侍郎，加河北招討使，賊勢甚銳，河北諸郡多陷。【徑

赴行在】天子巡幸所居曰行在。時真卿開關至鳳翔，謁肅宗，授靈武尚書。【堂堂天子二句】謂明皇也。詳見上明皇注。

【哥舒老將二句】哥舒，名翰，每出，持半段槍，所向披靡，破吐蕃，以功封西平郡王。安祿山反，與賊戰於靈寶，大敗降賊。【河北

二十四郡五句】祿山反，真卿遣平原司兵李平，開道奏之。明皇聞河北郡縣皆從賊，歎曰：二十四郡，曾無一義士邪。及平至，大喜

曰：朕不識顏真卿作何狀，乃能如是。真卿召募勇士，旬日至萬餘人，諭以舉兵討賊，士皆感憤。【椎牛】殺牛也。【歃血】盟者以

晉注侯朝宗文

一一一

血塗口旁之稱，孟子東牲載書而不敵血。【潰】兵散曰潰。【廓清】猶言肅清也。【李郭】李光弼與郭子儀也。光弼柳城人，

肅宗朝，拜節度使，平安祿史之亂，與郭子儀齊名，世稱李郭。中興戰功，推爲第一。子儀，華州人，累遷朔方節度使，肅宗勞之曰：國家再造，

卿力也。【帷幄】軍中帳幕也。漢書：運籌帷幄之中，決勝千里之外。【鄴侯】謂李泌也。泌字長源，封鄴侯。【伯仲】評量人物之

等差也。杜甫詩：伯仲之間見伊呂。【見上】上指肅宗。【御史大夫司寇】真卿以蠟丸達表於靈武，上以真卿爲刑部尙書，

兼御史大夫，領河北採訪使如故。【代宗】名豫，肅宗子。【僕固懷恩】鐵勒部人，世襲都督，善戰，亂安祿山反，從郭子儀討賊，

復兩京，平史朝義，有殊功，累官尙書左僕射，封太寧郡王，後以怨望，誘合諸蕃入寇，病死。【回紇】國名，一作回鶻，突厥之別種。元魏

時亦號高車部，隋曰韋紇，唐時稱回紇，代突厥而有內外蒙古之地。後併於蒙古。清代謂其地曰回疆。【連兵之禍】指僕固懷恩

引回紇吐蕃入寇，逼逼奉天事。【陸贄】唐嘉興人，字敬輿，德宗時爲翰林學士，甚見親信，時號內相，累遷中書侍郎同平章事，卒謚

宣公。【諫祝冊署嗣皇帝】舊唐書：顏真卿傳：真卿雖天子蒙塵，典法不廢，洎鑾輿將復宮闕，遣左司郎中李巽，先行陳告宗廟

之禮，有司署祝文稱嗣皇帝，真卿謂禮儀使崔器曰：上皇在蜀可乎，器遂奏改之，中旨宣勞，以爲名儒深達禮體。【率百官諫遷

太上皇】上元元年，李輔國遷太上皇於西內，刑部尙書顏真卿首帥百寮上表，請問上皇起居，輔國惡之，奏貶蓬州長史。【諫

代宗不謁陵廟】廣德元年，車駕發陝州，左丞顏真卿，請上先謁陵廟，然後還宮，元載不從，真卿怒曰：朝廷豈堪相公再壞邪？載由

是衝之。【將順】順而行之也。孝經：將順其美。【六月四日之變】謂武德九年六月，秦王世民，殺建成元吉事。【神堯退

爲太上皇】神堯謂唐高祖也。武德九年，帝自稱太上皇。【房玄齡】臨淄人，太宗爲秦王時，玄齡爲記室，居十八學士之首，累官

尙書左僕射，封梁國公，卒諡文靖。【杜如晦】杜陵人，字克明，太宗時，爲尙書右僕射，世稱房謀杜斷，封萊國公。【太平公主

誅太平公主，武后女，開元元年七月，謀逆賜死。【睿宗退爲太上皇】睿宗名旦，高宗子。太極元年八月，傳位於太子，太子即位，尊帝爲太上皇。【宋璟】南和人，玄宗時爲相，與姚崇並稱，封廣平公。【靈武之事】謂肅宗即位於靈武也。玄宗本紀：天寶十四載六月，上將發馬嵬驛，百姓乞留皇太子，收復京城，因留太子。八月，靈武使至，始知皇太子即位。【唐三百年】唐祚二百八十七年，言三百者，舉大數也。

豎人臧說

童僕之未冠者曰豎。

豎人臧者，吾兄授以乳羊七，臧受而牧之二年矣，羊未之增也。吾兄怒而責之，曰：吾羊之牧於他所者，歲兩乳焉，其所乳者，又乳焉，而汝之畜獨不繁。臧俛同俯首無以對，吁！臧可賞也！

天下有以不亡爲存者，臧殆是也。牧二歲而猶七其羊，臧可謂能守其故者矣。天下之業，苟今以受之昔，後以受之今，日傳而日守其故，土不必其能廣，人不必其能衆也，無失先王之舊封，雖世強焉可也；無失先王之舊民，雖世富焉可也。天下之闢疆而疆以蹙，料民而民以減者，是殆臧之所不爲也。

且吾兄亦知夫乳羊者乎？吾鄰翁者嘗有羊焉，而命人牧之，其人既報之以繁息之數，乃立豎而受糈。音已而謂羊之牧於野者，摘苗而害稼也，乃置圍音而牧之。已而又謂羊之居圍中者，產繁而氣疫，羊多以死。大約終一歲增不能數羊，而授廩有餼。喜發切補牢有費，所謂建置沿革，若中音條理者；又一歲而數關白其說，翁猝聞其繁息之數而喜不及詳，准羊而授牛焉。牛實疫死，又准羊而授雞與豚焉。受耕之戶，惡其瑣細而弗堪也，蕪田而去之。嗚乎！翁始貪，貪而惑，既惑益不知所悔，皆乳羊之利誤之也。故天下往往徇小利之虛名，而卒之勞費紛擾，得遂不償所失者，臧乎臧乎！吾知免矣。人各有能有不能，善用人者，貴審其能與不能，若此者不言利以欺其主，寧辭功而受過，乃臧之所能也，不可不察也。

吾兄曰：爾之言近佞，字似本然吾羊則實有牧而乳者，又若之何？嗚乎！天下之地廣於先，人加於舊，受業而守之，而或以創開而昌大者，君子豈不謂賢焉？然而不可必也，若夫漢武帝，猶其得焉者也。後將有掩敗以爲功，飾虛以爲實者，李宓

蜜音王成之屬，雖知而誅之，亦何益矣。故天下之亡其羊者多矣，臧殆以不亡爲存者也。

侯子曰：利之所不興者，害之所不伏也。臧之功不可見，然天下必見功而治者，又何其淺音淺邪。

【乳羊】小羊。【俛首】低首也。【料民】料，計也，量也。國語：料民於太原。【糈】糧也。【圉】養馬之所。【餼】禾米也。國語：虞、獻、紂。【牢】養牲之圈也。【建置沿革】沿仍舊制，革改舊制也。指上授餼補牢而言。【燕】荒也。【漢武帝】名徹，卽位後，伐匈奴，通西域，開拓疆土，卒之成罷中國，得不償失。【李宓】待考。【王成】漢宣帝時爲膠東相，治甚有聲，以流民自占八萬，口賜爵屬內侯，未及徵用，病卒，或言成僞自增加以蒙顯賞云。【淺淺】小也。

狄仁傑反周復唐辯

狄仁傑，太原人，字懷英。神功初，以鸞臺侍郎同平章事，所薦進若張柬之等，皆爲中興名

臣，卒諡文惠。

賢哉！梁公有存唐之心者也！非遂反周復唐也。何也？武氏一淫虐之婦，不過藉唐之基業，假唐之名器，以濟其惡耳！倘一旦廬陵相王，或廢或死，而果欲傳天

下於三思承嗣，天下豈有拱手聽之者？武氏卽英雄，豈能盡以威力劫制天下哉？周必不能建國，何事於反唐？必不亡，何待復？且張易之、昌宗者，狐鼠豎子，其罪固不容於誅，而唐之存亡，實不係乎誅之與否也。五王乃至借兵於羽林，踏除音蹶音顧慮，如臨大敵，其視豎子也太過矣。

善乎李賢告英宗曰：「奪門之計，非出萬全，景泰帝不起，羣臣自詣南宮，請陛下正位，何事張皇？」不動聲色，而就夾日補天之功，此真大臣之言也。雖然，後之爲人臣者，倘其無梁公之心，而徒借口鎮靜以俟事機之自至，則何以異於摸稜登切首鼠者也，是又五王之罪人也。

【梁公】仁傑睿宗時，追封梁國公。【有存唐之心】仁傑特被恩遇，尤以調護母子爲務。武后欲立武三思爲太子，仁傑以姑姪母子之喻勸之，后感悟，迎廬陵王於房州，唐祚賴以匡復。【武氏】武士護女，高宗之后，名嬰。高宗崩，臨朝稱制，廢中宗，改國號周，恣

爲淫虐。【廬陵】卽中宗，母武氏廢爲廬陵王。【相王】名旦，中宗之弟，初封豫王。武后廢中宗，立旦爲帝，及改唐爲周，廢旦爲皇

嗣；後中宗立爲太子，又廢旦爲相王。中宗被弑，隆基討韋后誅之，迎睿宗卽位，卽且也。【三思承嗣】三思，士護孫，善迎合后意，爲

后所信任，謀廢節愍太子，太子發兵捕斬之。承嗣，亦士護孫，積官左相，后擅政，中宗幽逐，承嗣自謂傳國及己，武氏當有天下，卽諷后革

命，不得志，怏怏死。【張易之昌宗】義豐，人易之，顧質美姿，通曉音技，與弟昌宗皆得幸於武后，宮中號爲五郎，易之號爲六郎。後

俱爲張東之等所殺。【豎子】晉人語，謂卑賤之人也。魏龐涓與孫臏戰大敗，乃自剄，曰遂成豎子之名，見史記。【五王】敬暉爲平

陽王，桓彥範爲扶陽王，張東之爲漢陽王，袁恕己爲南陽王，崔玄暉爲博陵王。【借兵羽林】羽林，宿衛也。張東之等，謀誅張易之

昌宗，謂羽林大將軍李多祚曰：大帝之子，爲二豎（指易之昌宗）所危，將軍不思報德乎？多祚遂與定謀，東之乃帥羽林兵五百餘人至

玄武門，詣東宮迎太子，斬易之昌宗於麾下。【躊躇】猶豫也。【李賢】明鄧人，字原德，英宗復位，兼翰林學士，入直文淵閣，卒諡文

達。【英宗】明英宗，宣宗長子，名祁鎮，滿拉特入寇，王振勸帝親征，次土木，師潰，也先以帝北去，皇太后命郕王監國，尊帝爲太上皇

帝，還京後八年，石亨等迎帝復位。紀元二：正統、天順。【奪門】景泰八年，徐有貞、石亨等以兵迎上皇於南宮，毀垣壞門而入，上皇復

位，錄奪門功，封爵有差，廢景泰帝，仍爲郕王，遷之西內。【景泰帝】名祁鈺，宣宗之子，在位八年。【南宮】見奪門注。【夾日】

日喻天子，夾輔也。【補天】舊唐書：高祖縮地補天，重張區宇。【摸稜】依違無所可否也。唐書：蘇味道爲相，常謂人曰：決事不欲

明白，誤則有悔，摸稜持兩端可也。亦作模稜。【首鼠】鼠性疑，出穴多不果，故持兩端者謂之首鼠。史記：灌夫傳：何爲首鼠兩端。

萬孝子割股議

有言萬孝子割股，愈其母之疾者，或曰：當事是宜請於上，旌而表之；或曰：否，著在會典。余竊以人子至性純篤，世不常有，顧格於禁例，無以推駁極論，裨益仁

孝之化，不可以不辨。

按全州孝子唐儼，割其右臂肉啖情覽切父事，與此相類。姚太史涑來音論曰：昔鄠戶音人之對，謂毀傷滅絕，黷政妨義，不可以訓，後世守其說不變。夫身體髮膚，不敢毀傷，聖人之訓也。但用非其所，雖拔一毛，猶懼其毀且傷也；如出於至誠，發以忠孝，則肝腦可塗，腰領可斷，而況於一股哉？

昌黎又謂陷於危難，固其忠孝，以是而死者，然後旌勸加焉。夫所謂危難者，禦患復讐類也。今視其親之疾痛瘡痍，而大不忍之心生焉，其情獨可緩哉？無可奈何而甘於自殘，以求其親之生，聽其所爲可也；且自殘其肌膚，其勢瀕於死矣，是必篤於義烈，而非世之詭與激者所能襲也。以斯人而使固於忠孝，彼焉有蹈者乎！今不推其情，而且以毀傷爲非，則韓子持論之過也。

昔者，周公以身祈武王也，兄弟君臣之閒，苟可以延武王之命，死且爲之；而況其餘乎？信如周公之願而死也，則滅絕其身，不特毀傷之慘而已。將以絕滅之

罪加之乎？吾固知其不可也。推此義也，則人子如唐生者，君子所許也，孰謂其過哉？

嗚乎！姚氏之論至矣！孝於其親，古之所謂至德要道也。世衰道微，上之人不復激揚名教，而天下誦詩讀書之人，其平居既不能致身力養，少少自盡，及一旦危險有事，則又雍容澹漠，引文飾義，視等行路，類借口以爲中道宜爾，賢者不敢過，其閒有奮不一顧，以赴其君親者，反以爲詭且激，切切然議之，天顯烏自而惇，敦音民豨烏自而正哉？

夫世之切切然議之者，以其詭且激也。今有人於此，誠能詭且激焉，而勉爲一善，其明日又復爲之，又明日又復爲之，漬切疾漸音而爲之不止，則是終日而且皆善也。終日而皆善，又安問其詭與不詭，激與不激哉？抑忘其身以事君，竭其力以事親，而必謂之詭且激，則世之誦詩讀書之人，所謂誠然而安然者，果何爲也？嗚乎！余是以賢萬孝子！

或曰：孝子父爲宿將，行兵有紀律，不妄殺掠，是其全人父子骨肉者多矣，固宜有令嗣。然則孝子生長我馬之閒，未嘗有所觀習，顧以至性純篤，反衰俗而振古行，非偶然也。當事雖爲請於上，旌而表之，可也。

【當事】官也。

【會典】書名，一代典制之書也。明謂之會典，清仍之。

【格】阻格也。

【全州】五代晉時馬氏置，明清皆屬

廣西桂林府，今改縣屬。

【唐儼】全州諸生，父蔭，柳州知州，歸老得危疾，儼年十二，潛割臂肉進之，疾良已。見明史孝義傳。

【啖】

食也。

【姚太史涑】明慈谿人，字維東，嘉靖中殿試第一，授翰林修撰，累官侍讀學士。

【鄴人之對】唐鄴人，割股奉母，有司

旌之，昌黎欲腰諸市，詳韓昌黎集。鄴，今縣名，清屬陝西西安府，今屬陝西省。

【黷】說文：握持垢也。

【拔一毛】孟子：楊子爲我

拔一毛而利天下，吾爲也。

【瘡痕】謂皮膚因傷而開裂也，以喻痛苦。韓愈詩：天子憫瘡痕。

【瀕】凡迫近者皆曰瀕。【周

公以身祈武王事】見書金縢篇。

【至德要道】見孝經。

【激揚】激勵表揚也。

【詭且激】謂不合於中正也。南史：

文辭詭激。

【天顯】天之明道，與下民羣。見尚書康誥。

【惇】厚也。

【民彝】民之常性也。詩：民之秉彝。

【宿將】猶言老

將也。

贈徐子序

侯子旣放而有喜色，或問焉，曰：徐子遇也。或曰：「何也？」曰：君子憂夫道之

不彰，不憂夫身之不遇，道在其友與在其身一也，苟其友之彰夫道，無以異於身也。徐子吾友也。

或曰：「敢問彰夫身與彰夫道？」曰：「今夫舉於鄉，登於國，不知其所以然而然。其未致之也，乃其固也，其既致之，天下以爲幸，而且沾讀如沾，而且烜許遠切。烜然，是其彰夫身也，且暮之遇也。舉於鄉，登於國，知其所以然而然。其未致之也，天下信之；其既致也，天下以爲重；有所啓而佑焉，有所待而傳焉。是則其彰夫道也。徐子以之。」

或曰：「徐子所遇者文也，非道也。」曰：「否，徐子之文，寓於道者也。往者大雅不作，浮豔具陳，十年以來，天下之人，淫詞詖說，榛莽塞路，當是時，小生末儒，挾一組織故冊子，篇章之積，不能以守，稍稍規而摹之，取富貴如寄，徐子輒閉關高臥，不肯出也。已而天子下詔書，褒崇典型，釐力怡切正繁蕪，徐子乃奮起與昌明之運會。嗚呼！天下自此知積學力行之士，必有其報，而僥倖之不可以嘗試也。息鹵

莽之心，務滋植之業，誰之力歟？徐子之文，將不得爲其道乎哉？

且余嘗童而習之矣，其人清剛方正，性有所不可，必形於色，發於言，凡其知所守而不變者，非獨區區應世之技能已也。今日天下以文求徐子，徐子以其文易天下，苟其大而能以道求徐子，徐子又必以其道易天下，如若所見，是殆沾沾吾徐子者也。烜烜吾徐子者也，徐子方以爲恥，而乃欲介之以稱觴邪？

或人默而退，侯子告其友曰：吾黨登徐子之堂，請卽以斯言爲贊矣，無諛辭，無蔽指，使徐子收而藏之，爲息壤焉可乎？衆皆曰：然。遂書以贈之。

【沾沾】小也。史記：魏其者沾沾自喜耳。

【烜烜】猶赫赫也。

【大雅】班固賦：大雅宏達，於茲爲率。

【浮豔】浮豔之辭。

【淫詞】放蕩之辭。孟：距諛行，放淫詞。

【諛說】不正之言。

【榛莽塞路】聚木曰榛，叢草曰莽。唐書：詔於秘書省考定，多所釐正。

【典刑】一作典刑，謂法範也。詩：雖無老成人，尙有典刑。

【釐正】改正也。唐書：詔於秘書省考定，多所釐正。

爲政焉勿鹵莽，治民焉勿濫製。注：謂淺耕穡種也，今以喻人之作事粗率者。

【稱觴】上壽也。

【贊】初見時之禮物。

【諛辭】

言人之善而不實也。史記：先生何言之諛也。

【蔽指】掩蔽其指趣也。

【息壤】史記：秦武王與甘茂盟於息壤，使將共伐宜陽，五

月不拔，王欲罷兵，甘茂曰：息壤在彼，後世遂以息壤爲信約盟誓之言。

大寂子詩序

大寂子者，彭孝廉賓，乙酉後變其名也。孝廉初起雲閒，與夏考功允彝、陳黃門子龍、周太學立勛、古勛徐孝廉孚遠、李舍人雯文晉互相唱和，聲去聲施滿天下，當時謂之雲閒六子。未幾，周子夭死，考功投淵死，黃門斷頸死，徐君掉臂而蹈東海，屢瀕於死，舍人雖非黑頭而還梁，幾於少卿之辭漢，亦鬱鬱病死，獨孝廉在，因號大寂子。嗟乎！人生凡暄，寂生滅，皆本於情，孝廉乃求寂焉，或欲託於西方氏，甘無情邪？

憶余年十八歲，交孝廉，及考功，黃門，又四年，交周子於梁園，又一年，交舍人於燕邸，又一年，交徐君於金陵，先後咸相善也。今二十年閒，不見五君，獨見大寂子，然則余之累於有情，豈復減大寂子哉？

大寂子著詩曰偶存草，以見存者皆偶爾，不獨詩也。吳學士偉業敘之詳矣。

又著詩曰越州草，乃過劉忠端倪文正諸公之里而感慨係焉者也。東海姜垓該音曰：「可以徵詩人怨怒之一端也。」嗟乎！知言哉！既而大寂子合其二集，請敘於余，余竊以詩之工拙，視其懷抱，今大寂子之懷抱，殆不止屬國留別，杜陵述哀焉，詩安有不工哉？余讀其詩，飲酒而起舞，既而歎且泣，既而愴恍音虎廣切恍恍，如有所失，因不復能敘之終也。雖然，夫詩人之旨，固有沈吟含蓄，而發之甚遠，求之轉深者，即大寂子意有所不盡，余乃欲以言盡之也乎哉？

【彭孝廉貞】江蘇華亭人，字燕文，一字穆如，明崇禎舉人，入清，官汝寧府推官。【乙酉】順治二年。【雲閒】地名，江蘇松江

縣之古稱。【夏考功允彝】明松江華亭人，字彝仲，崇禎進士。時蘇州張溥等結文會，名復社，允彝與陳子龍等亦結幾社相應，南

都失賦，絕命辭，投深淵死。考功，官名。【陳黃門子龍】明松江華亭人，字人中，更名臥子，號大樽，崇禎進士，累擢兵科給事中，南部

失，遁為僧，尋結太湖兵寧事，事洩被擒，投水死。下云斷頸死，似誤。黃門，官署之稱，給事於黃門之內也。時弘光元年，子龍給事南省，故云。

【周太學立勛】明松江華亭人，字勒西，崇禎中與倡幾社，詩文恆以慷慨出之，就試金陵而死。【徐孝廉孚遠】明松江華

亭人，字固公，崇禎舉人，與陳子龍等結幾社，國變後，起義兵，松江破，遁入海，死於臺灣。【李舍人雯】清上海人，字舒章，力學好古，

與陳子龍齊名。順治初，廷臣交薦，雯才可用，授內院中書。【少卿辭漢】少卿，漢李陵字，與匈奴戰，力竭而降。【西方氏】指佛。

【吳學士偉業】清太倉人，字駿公，一字梅村。崇禎進士，官至少參事。順治初，有司力迫入都，累官國子祭酒，有梅村集。【劉忠

端】劉宗周字起東，山陰人，號念臺。萬曆進士，崇禎時累擢左都御史，福王監國，劾馬士英，劉澤清高傑，杭州失守，絕粒二十三日卒。門

人私誣正義，清賜諡忠介。明儒學案：則謂諡忠端也。【倪文正】明上虞人，名元璐，字玉汝，號鴻寶。天啓進士，累遷國子祭酒，李自

成陷京師，自縊死，諡文正，清諡文貞。【姜垓】明萊陽人，字如須。崇禎進士，授行人，阮大鍼仕南都用事，修舊怨欲殺之，變姓名至寧

波，後還吳卒。門人私謚貞文先生。【屬國留別】漢蘇武使匈奴，還拜典屬國，有與李陵詩，即留別也。【杜陵述哀】唐杜甫

字子美，居杜陵，自稱杜陵布衣，又稱少陵野老，著有杜工部集，中有述哀詩。【惆恍】恍與倪通，失意貌。潘岳賦：超惆恍以慟懷。

八陣圖序

漢諸葛亮推演兵法，作八陣圖，奉節縣西南七里，有八陣圖，又沔縣定軍山下，亦有八陣圖遺跡。

余友賈生開宗，年逾五十老矣，負奇好大言，嗜酒，不拘繩墨，常自許得爲宰相，當一年平寇，三年可盡撤諸塞上兵，里人大笑，以爲病狂，乃感憤著八陣圖數千言，余則獨有取焉，而爲之序曰：

嗚乎！今天下隱憂，蓋在於文臣之望淺，而武臣之志驕，不知其所終矣。陸賈有云：「天下安，注意相；天下危，注意將。」夫爲相不必讀書，身先險阻，策合羣力，

能不思害人之功者，名相也；爲將不必善去聲騎射，粗知古今，遇大變而不挫者，名將也。今天下急急論將哉！漢祖之明，不難於拜壇下，而難其所拜者韓信；闔廬之信，不難於斬寵姬，而難於識孫武而任之。天下而有韓信孫武，宜使之專制千里，豈當更有開府位其上，中貴觀軍容掣尺制其肘音也？天下而無韓信孫武，又何取於諸將，而羣委之以旌節，倚之若長城也哉？今天下宣薊許音握重兵，豫楚多元帥，而鳴鏑音在郊，埃音火且連未央，然則收其所爲旌節，撤其所爲長城，卽外患不靖，內憂不滅，而國家省金錢之費，人民免首功之慘，亦未始非勿藥而愈病也；余所以終願今天子之右文而左武也。

雖然，今之以文臣任武事者，朝則樞府，藩則撫軍，吾皆得而見之矣！大約多歷年所而得之，又或以盤錯之地，狃利者音避，更授鈍者，此其胸中豈異伍卒，而乃使諸大將肩蟒圍玉，相與拜跪之，固宜爲其所輕，而日有憤噪之變也；雖日推轂鑄印，於以稱曰文，飾則得矣，戡音亂則未也。

嗚乎！葉公好龍而龍至，燕王市馬而馬來，我國家地廣人衆，而倜儻

音

平

音

非常之略，寂焉無聞，將果無人言之邪？抑無人用之邪？豈天未悔禍而人未厭

音

亂邪？又豈人之建功立業各有其時，而急者不可以緩，緩者不可以急邪？何賈生

之且老而尙託於其言也！

【賈開宗】商邱人，字靜子，明諸生。少負才放縱，嘗以白衣從軍，後辭歸，與侯朝宗交，星象讖緯兵食圖籍，各有論說，自號野覽居士，年七十餘卒。有遊園集。【不拘繩墨】謂不就法度之拘束也。【陸賈】漢楚人，以客從高祖定天下，著書十二篇，號曰新語。

【漢祖】漢高祖劉邦。【韓信】漢淮陰人，初從項梁渡淮，梁敗，屬項羽，羽弗用，亡楚歸漢，高祖拜爲大將。【闔廬】春秋吳王，諸

樊子，一作閔，名光。【斬寵姬】孫武以兵法見闔廬，王出宮中美人百八十人，使武教之戰，孫子分爲二隊，以王寵姬爲隊長，皆

令持戟，令而鼓之，婦人大笑，斬二隊長以徇。【孫武】春秋齊人，詳見上寵姬注。【開府】謂開建府署，辟置僚屬也。漢制，惟三公

開府，魏晉以後，開府者益多，明時經略巡按皆曰開府。【中貴觀軍容】中貴，奄人也。肅宗命郭子儀等九節度討安慶緒，以宦官

魚朝恩爲觀軍容使，明於軍中，多置奄人監軍。【掣肘】喻使人作事而阻撓之也。【旌節】謂旌與節也。新唐書百官志：節度使

辭日，賜雙旌雙節。【若長城】此鹽、喻語，魏檀道濟自比萬里長城，言足倚重也。按秦築長城，以拒胡，在今山海關。【宣

明爲宣府鎮，清置宣化府，屬河北，民國廢，今宣化縣，舊治也。勅，明薊州，民國改縣，屬河北省。【豫楚】豫古九州之一，今屬河南省

曰豫省，楚，湖南湖北，統稱曰楚。【鳴鏑】即響箭，射時發聲，軍中用以發號令。【埃火】斥埃之火，【未央】漢宮，此言宮廷設

防也。【樞府】謂樞密院也。【撫軍】即巡撫。【盤錯】盤根錯節，喻重要之地也。【鈍者】指楊嗣昌、丁啓睿等。【憤

噪之變】時大將左良玉等不用命。【推轂】推舉人才，如推軍轂使前進也。史記：魏其武安俱好儒術，推轂道綰爲御史大夫。

【戡亂】戡勝也，克也。【葉公好龍】言似是而非也。莊子：葉公子高之好龍，雕文畫之，天龍聞而示之，竄頭於窟，施尾於堂，葉公

見之，五色無主，是葉公非好龍也，好其似龍非龍也。【燕王市馬】燕王，謂燕昭王也。昭王欲招賢者，問計於郭隗，隗曰：古之人君

有以千金使涓人求千里馬者，馬已死，買其骨，五百金而返，君怒，涓人曰：死馬且買之，況生者乎，馬今至矣，不期年而千里馬至者三也。

【僇儻】不羈也，猶言不拘束。晉書：瓌儻僇儻，不拘細行。

樓山堂遺集序

樓山堂遺集者，亡友貴池吳子之所作也。其死時，文章散佚，而當路大臣又曾上露布，著以殷頑之目，以此見者皆以爲諱，甚至其片言隻字，毀滅之恐後。嗚呼！使其言而可毀，則採薇之歌，狡童之怨，必且不傳也久矣！有人於此，見日星之光而欲掩之，見河嶽之流且峙，而欲塞之，有是理乎？余固知其必無也。壬辰來陽羨，陳子果出其所藏樓山遺集，完好如初，陳子謂余曰：「自經喪亂以

來，陽羨之田，先少保公之賜。鏹紀養切皆不可問，獨守此一集以報亡友，卽有同志欲假而觀之，亦不肯與。嗚乎！彼成周盛時，殷頑在洛，今觀多士大誥諸篇，爲徒衆矣，然曾居音無一人如陳子者，和採薇而哀狡童，吾又不知今古人，果誰不相及也？抑豈樓山之文，或有以遠過於前人邪？

余交吳子，歲在己卯，今己十五年，其文集皆前己卯作者，蓋三十年餘矣。當明神宗時，天下太平無事，而樓山集多憂危之言，何其蚤見也！迨其後，天狼墉鼠，禍機將發，其大臣將相，又皆畏罪持祿，不爲補救，甚且不惜以其身爲餌。耳音余則嘗見吳子張目奮袂而言之，禍福利害，一不少動，蓋其素志之定也審矣，又何難於江上之死哉！

吳子嘗云，文章自韓歐蘇沒後，幾失其傳，吾之文足起而續之。余時方汨沒於六朝，不知其善，亦不取視也。今知之，欲與之言，而吳子死久矣。雖然，以吳子之文求吳子，余雖始不知之，而終卒知之，恐天下之始終不知之者，亦已多矣。以吳

子之人，求吳子之文，卽五尺之童，豈有不辨日星，卽越裳之重譯，豈有不望氣而問指南，一識夫河與嶽哉？

昔韓歐蘇之三公者，皆能守道不隨於時，亦嘗遭貶謫彈射，然固未至斷頸絕脰，音豆以死殉之也，而當世見其片言隻字，皆愛而重之不衰，設以若韓若歐若蘇，而且以大義斷頸絕脰而死，則當世之愛而重之，後世之憑而弔之者，又何如也！嗚乎！可以知樓山矣。

【貴池】縣名，屬安徽省。【吳子】名應箕，字次尾，中崇禎副榜，貢入京，南都不守，起兵應金聲，敗走被獲，慷慨就死。【露布】

別於緘封而言。續漢志：李雲露布上書，移副三府。【殷頑】殷之頑民，未服周化者，周公營成周，王至洛邑，遣殷頑民於成周。【多

士大誥諸篇】大誥康誥酒誥梓材召誥洛誥多士多方八篇，雖所誥不一，然大略以殷人不心服周而作也。【採薇歌】薇蕨，

苦菜也。史記：武王克殷，伯夷叔齊恥之，不食周粟，隱於首陽山採薇而食之，乃作歌曰：登彼西山兮，採其薇矣云云。【狡童】指紂也，

箕子過故殷墟，禾黍生焉，作麥秀之歌曰：麥秀漸漸兮，禾黍油油兮，彼狡童兮，不與我好兮。【峙】屹立也。【壬辰】順治九年，

時朝宗三十五歲。【陽羨】縣名，故城在今江蘇宜興縣南五里。【陳子】宜興陳定生貞慧，與冒襄侯方域，方以智稱四公子。

【先少保公】謂陳子廷也。于廷，字孟諤，萬曆進士，終右御史，福王時，贈少保，明史有傳。【鏹】錢貫也，左思賦：鏹鏹巨萬。【己

卯崇禎十二年，時朝宗年二十二歲。【明神宗】名翊鈞，穆宗之子，年號萬曆，在位四十八年。【天狼】星名，喻貪殘也。晉書天文志：狼一星在東井東南，狼爲野將，主侵略。

【塘鼠】小城曰塘。詩：誰謂鼠無牙，何以穿我塘。按天狼塘鼠，俱指流賊李自成輩。

【韓歐蘇】唐韓愈，宋歐陽修，蘇洵，蘇軾，蘇轍也。【汨沒】浮沉也。避景錄：今人言汨沒，當是浮沈之意。【越裳重譯】越裳，古

國名，在安南南部。重譯，謂偏方絕域，言語不通，必輾轉相譯，以得其意也。周公輔成王，越裳氏重譯獻白雉。【指南】越裳氏來獻，使

者迷其歸路，周公爲指南車使載之，周年至國。【脰】頸項也。史記：白奮絕脰而死。

陳其年詩序

其年名維嶽，號迦陵，貞慧子。康熙時召試博學鴻詞，授檢討，貌清癯而多鬚，人稱陳梅，文名震一時，著有

湖海樓集。

陳其年有著述材，尤工詩。往余居梁園，去義興千餘里，其年再以書來屬余爲論序。余報之曰：「風雅之道，於今絕矣！得子誠未易，此非可卒讀如卒筆墨盡也，行當渡江爲吾子言之。」

後三年而余至，其年之詩已成數百篇，典則高華，風致特勝，余歎絕。謂其年子知明詩之所以盛，與所以衰乎？當其盛也，北地信陽爲之宗，而郎邪歷下之輩，

相與鼓吹辭去而羽翼之，夫人之所知也。其衰也，則公安竟陵，無所逃罪。吳趨諸君，卽數十年來更變迭出，而猶存乎蓬艾之間。余家中原，稍稍解此者，蓋中原風氣僕遯，連許人多逡巡，不敢爲詩，惟其不爲詩，詩之所以存也。其年乃獨於揚波導沸付畏之中，傑然以古作者自命，豈不異哉！往雲閒有陳黃門李舍人，皆起榛蕪，以才情橫絕一世，得其年而三，然則風雅之道，又未嘗不在吳趨也。丁丑余與黃門論詩燕邸，已卯與舍人論詩金陵，自以爲盡意，無復遺恨，由今思之，歎有不得起二君於九原者，幸其年獨在，是天以鼓吹羽翼之功私其年也。

夫詩之爲道，格調欲雄放，意思欲含蓄，神韻欲閒遠，骨采欲蒼堅，波瀾欲頓挫，境界欲如深山大澤，章法欲清空一氣。杜少陵云：「讀書破萬卷，下筆如有神。」不讀萬卷，豈易切適言清；不破萬卷，豈易言空哉？侯子言未畢，其年改容起曰：「二公固讀萬卷者也，然則吾子所謂歎不得起之於九原者，吾知之矣，吾知之矣。」因憶余與二君談時，秋浦吳次尾在坐，默不語，心甚怪之。次尾雅能詩，其年爲

收藏其遺集，急取讀一過，乃知次尾詩，與三君雖互有得失，而了了見大意，顧蚤於余者十年，此昔所以默不語也。余與其年別八載，而良友如三君者，皆已死，其年幸各爲識音志之，以續八哀。夫少陵一集，而古今天下之治亂興亡，離合存沒，莫不畢具，豈僅僅一詠一吟，足以盡風雅也！嗚乎！非其年其又誰知之？

【梁園】梁孝王園，在河南。【義興】今江蘇宜興縣。【卒卒】匆遽之貌，漢書：卒卒無須臾之間。【北地】李夢陽，慶陵人，徙

開封，字獻吉，弘治進士，累官江西提學副使，自號空同子。工詩古文，與何景明等號十才子，有空同子集。【信陽】何景明，信陽人，字

仲默，弘治進士，正德開，歷官陝西提學副使，與李夢陽並有國士風，天下語詩文必並稱何李，有大復集。【郎邪】王世貞，太倉人，字

元美，自號鳳洲，又號弇州山人。嘉靖進士，累官刑部尙書，好爲詩古文，獨主壇坫者二十年，其持論文必西漢，詩必盛唐，而藻飾太甚，曠

年始漸造平淡，有弇山堂文集。【歷下】遼賈，歷城人。【鼓吹】猶發明之意，言如鼓吹之使人共聞也。晉書：孫綽絕重張衡，衡思

賦，每云三部二京，五經之鼓吹也。【羽翼】輔佐之也。呂氏春秋：三士羽翼之也。【公安】謂袁寶道宏道中道也。公安人，時稱三

袁。先是李王之學盛行，袁氏兄弟獨心非之，學者多從之，目爲公安體。【竟陵】謂鍾惺譚元春也。鍾譚俱竟陵人，評選古詩歸唐詩

歸，當時謂之竟陵體。【余家中原】侯朝宗南邱人，古所謂中原之地。【僕遯】凡短之貌。前漢書：息夫躬傳：僕遯不足數。

【陳黃門李舍人】陳子龍李安也。【丁丑】崇禎十年，時朝宗二十歲。【己卯】崇禎十二年，時朝宗二十二歲。【秋浦】

縣名，隋置，五代時，吳楊更名貴池，故城在今安徽貴池縣境。【三君】謂陳黃門、李舍人、吳次尾也。【識】記也。論語：默而識之。

【八哀】杜甫有八哀詩。【少陵】杜少陵甫也。

贈陳郎序

陳郎者，余幼壻也。名宗石，字曰子萬。

先是余與其父定生處士同學金陵，又前則余祖與其祖少保公同年同官御史，同論朱相廢，庚音李相廷機，而余父亦與少保公先後同朝，同救大司寇王紀，同爭紅丸，同忤魏璫，誤音忠賢，同削官。方余之與處士同學也，緩音阮大鍼者，有宿憾，後六年，甲申，大鍼夤緣官兵部尚書，興黨人獄，或謂兩人盍曲謝皖人，余與定生笑不應，忽一日，緹題音校捕定生去，余倉皇出兼金，付錢君禧代請閒，而爲求援於練司馬公，定生得免。

乙酉春正月，有王御史者，阿大鍼意，上奏責浙直督府捕余，余時居定生舍，既就逮，定生爲經紀其家事，瀕賓音行送之舟中，而握余手曰：「子此行如不測，故

鄉又未定，此纍切盧惟纍將安歸乎？吾家世與子之祖若父，暨子之身，無不同者，今豈可不同休戚哉？切七語盍以君幼女妻我季子？余妻遂與陳夫人置盃酒定約去。是時余女方三歲，陳郎方二歲爾。

其後解歸里，余居梁園，定生居陽羨，不相聞。又五年，定生寓書余曰：宗石已能讀書，解世事，甚念翁，未幾，又寓書復切附若以爲言，余方侍老父疾，束裝罷者再。壬辰冬，始抵陽羨，與定生慰問畢，陳郎出揖，從切沖音容如成人，就坐則雄談驚其坐客，余大衰，素不能飲酒，是日盡數卮。切支音陳郎今年十歲，距余與定生別時蓋八年矣。

嗚乎！人生可惜，凡所謂百年者，皆妄也；或以兵死，或以水火死，或以盜賊死，或以患難死，卽幸無是數者，而昔賢所謂七日不汗，亦能死人；然則人生壯且盛者，不過三四年耳！而余與定生，忽忽已閱其八，豈不痛哉！顧向時欲殺吾兩人者，安在？而吾兩人猶各留面目相見，不可謂不幸也。因酒酣，撫陳郎背而告之曰：

郎名宗石，字子萬，取萬石君之義也。郎之祖若父，皆爲世達人，有家法，諸昆羣從，奕奕競出，又畢萬之後必昌，吾以郎之祖若父卜之矣。然吾聞陳之姓望，惟太丘爲最，而昔人論之曰公慙卿，卿慙長，今以處士之隱德無慙少保，願郎他日亦無慙處士可也。吾向見郎，郎在襁褓，紀養保音今已能進而向學，郎使我每見必有所進，後其何慙之有。

【定生】陳貞慧字。

【余祖與其祖少保公三句】朝宗之祖名執蒲，字以康，其祖少保公，謂陳于廷也。先是朱相廢之未罷

也，御史陳于廷三劾其姦，詔慰廢而諭諫官勿復得言，執蒲獨力爭曰：「廢實姦，于廷言是。」又論李相延機清而戾，方相從哲陰而邪，不副平章望。【朱廢】浙江山陰人，字少欽。萬曆中累官禮部尙書，兼東閣大學士，參預機務。沈一貫、沈鯉去位，廢獨當國，御史宋爌等相

繼劾之，實則廢醇誣無大過，因與沈一貫同鄉相比，故蒙詬病云。見明史列傳。【李廷機】晉江人，字爾張。累官禮部尙書，入參機務，

言官以其與申時行、沈一貫輩密相授受，交章逐之。【余父】謂恂也。恂爲執蒲長子，字若谷，崇禎開，官至戶部尙書。【大司寇

王紀】紀，芮城人，字惟理。歷僉都御史，天啓初遷刑部尙書，因劾閣臣沈瀛交結婦寺，斥歸。【紅丸】明代三案之一。光宗即位後遇疾，李可灼進藥丸，帝服之而崩，是爲紅丸之案。【忤】逆也。史記：「不敢忤視。」【魏璫忠賢】蕭寧人，原名進忠，熹宗時，與帝乳母

奉聖夫人客氏通，擅朝政，大戮黨人，生祠徧於各地，思宗立，貶鳳陽，遂自縊。按秦漢中常侍兼用士人，冠皆銀璫，左貂，後漢明帝以後，專用奄人，改以金璫右貂。思賢，奄人也，故稱璫。【皖】地名，春秋時有皖國，今安徽潛山縣地，此安徽省之統稱。【阮大鍼】懷寧人，

字圓海，附魏忠賢，名列逆案。失職後，居南京，復社名士顧杲等作留都防亂揭，逐之，大誠與馬士英深相結，士英秉政，進兵部尚書，專翻逆案。初舉朝以逆案攻大誠，大誠憾甚，及見北都從逆諸臣，有附會清流者，彼攻逆案，吾作順案與之對，以李自成僞國號曰順也。清兵至，觸石死。見明史奸臣馬士英傳。

【甲申】順治元年，時朝宗二十七歲。【黃緣】攀附他人以求進身曰黃緣。韓愈詩：青壁無路難黃緣。【緹校】廠衛差官，廠衛，明所設以視朝士，中人主之。【兼金】好金也，其價倍於常金者。孟子：王儷兼金一百而不受。

【請閒】請空閒之時以白事，不欲對衆言之也。漢書叔孫通傳：通奏事，因請閒。【練司馬公】謂練國事也。國事，永城人，名君猷。

崇禎朝，右僉都御史巡撫陝西，甲申，宏光立，召爲兵部侍郎，未幾進尙書。【乙酉】順治二年，時朝宗二十八歲。【逮】逮捕也。

【浙直督捕】甲申大誠修東林之怨，逮復社諸子，朝宗依江蘇撫軍張鳳翔，大誠復檄捕之，朝宗渡江，依史可法於揚州。【瀕行】臨行也。

【纍纍】相連繫貌。禮：纍纍乎端如貫珠。【休戚】國語：爲管休戚，不背本也。【妻】以女嫁人曰妻。【壬辰】順治九年，時朝宗三十五歲。

【卮】說文：飲酒圓器也。亦作觚，觶，古以角爲之，所以節飲食。【忽忽】盧諶詩：忽忽茂云暮。【萬石君】漢石奮及其四子，皆官至二千石，景帝號奮爲萬石君。史記：有萬石張叔列傳，萬石，即謂萬石君也。又馮勤曾祖父楊，生八子皆二千石，亦號萬石君。【奕奕】美也。

【畢萬】春秋晉大夫，周初畢公高之後，事晉獻公，以功封於魏，後世列爲諸侯，爲戰國時七國之一。

【太丘】後漢陳寔爲太丘長。【公愬卿卿愬長】漢書陳寔傳：寔字仲弓，有六子，紀誦最賢，紀子羣，爲魏司空，天下以爲公愬卿，卿愬長。按羣有子泰，四世於漢魏兩朝，並有重名，而其德漸漸小減，故時人爲其語曰：公愬卿，卿愬長。

【襁褓】襁，幅八寸，長一丈二尺，以縛小兒於背者。褓，小兒之被也。列子：人生有不見日月，不免襁褓者。

贈陳郎序

書昌黎潮州謝上表後

唐書韓愈傳：愈昌黎人，累遷刑部侍郎，憲宗迎佛骨，愈上表極諫，貶潮州刺史，既至

潮，以表哀謝，帝頗感悔，欲復用之，特示宰相曰：愈前所論，大是愛朕，然不當言天子事佛乃年促耳。

昌黎一代人傑，其諫佛骨，幾致殺身，尤挺立不撓；你巧切然貶潮州而其謝上

表，亦何哀也！昔人論其欲以詞賦述封禪，幾於相逢君，此誠太苛，使昌黎而自

此貶道以趨時，豈遂安坐不至卿相？去聲乃官侍郎日，明知王廷湊不可犯，而必啣

命宣諭，叱馭音御不回，何哉？蓋士君子之自處，固有生死不難決絕，而落莫悲涼之

際，反恟商義切然不能自持者，如蘇子卿娶胡婦，寇萊公陳天書，與昌黎不安於潮

陽，其病一也。嗚乎！之三君子者，豈非錚錚者哉！而性之所近，不能自強，故曰：君

子之學，變化以成德，自知其病，矯而克焉，變化之謂也。

【諫佛骨句】唐憲宗遣中使迎佛骨至京師，韓愈時爲刑部侍郎，上表極諫，上得表，大怒，將加愈極刑，裴度崔羣言愈雖狂，發於忠

懇，宜寬容以開言路，乃貶潮州刺史。【撓】屈也。【孟】不膚撓。【封禪】泰山上築土爲壇，以祭天，報天之功曰封，泰山下小山上

除地，報地之功曰禪。【相如】司馬相如也。相如病且死，遺書勸上封泰山，論者爲逢君之惡。【宣諭王庭湊】庭湊，回紇人。田

弘正至冀州，庭湊構煽其衆殺弘正，自稱留後，穆宗遣使討之不克，乃赦庭湊授成德軍節度使，遣兵部侍郎韓愈宣慰其軍，詔勿遽入，

愈曰：此君之仁，死，臣之義，遂往厲澤叱之，庭湊噤之。【叱馭】以王尊事，比昌黎也。漢書王尊傳：先是王陽爲益州刺史，行部至邛

邛九折阪，歎曰：奉先人遺體，奈何所乘此險。及尊爲刺史至其阪，問曰：此非王陽所畏道邪？吏對曰：是尊叱其馭曰驅之。【悄然】失

意不悅貌。莊子：客出而君悄然若有亡也。【蘇子卿娶胡婦】子卿，蘇武字。漢書蘇武傳：前發匈奴時，胡婦適產一子，追國，有聲

問來，頗因使者，致金帛贖之。【寇萊公陳天書】寇萊公，寇準也。準下邳人，字平仲。眞宗三年，巡檢未能，挾內侍部知周懷政，詐

爲天書，時準知永興軍，以聞，由是復相，後眞宗受丁謂譖，罷爲太子太傅，封萊國公。【之】此也。【錚錚】金聲也，人剛正不阿，曰

錚錚。後漢：卿所謂鐵中錚錚，庸中佼佼者也。

書練貞吉日記後

友人練君貞吉，司馬公少子，能繼述其家學，爲中原人士之冠。聲去嘗遊禾水

作日記，所載皆纖碎不經意事，而含蓄甚遠，余每讀之，以遣旅況。記中閒雜談聲去諧，客有病之者，夫善戲謔兮，不爲虐兮，風人所以頌衛武也。談言微中，固不在

莊語矣。

嘗聞有先朝鉅公，惑志一姬，致夙望頓減，姬問之曰：「公胡我悅？」曰：「以其貌如玉而髮可以鑑也。然則姬亦有所悅乎？」曰：「有之，卽悅公之髮如玉而貌可以鑑耳！」

又嘗遊虎丘，其爲衣去領而闊袖，一士前揖問何也？鉅公曰：「去領今朝法服，闊袖者，吾習於先朝久，聊以爲便耳！」士謬爲改容曰：「公真可謂兩朝領袖矣。」

以此二諺語觀之，是鉅公碑傳之所不盡者，而賴以表微也。然則日記之詼諧，何必其無關於世邪？

【練貞吉】清商丘人，字石林，順治拔貢，與侯方域賈開宗諸人相唱和，有叢言詩話，掃葉居士集。

【繼述】繼志述事也。中庸：善繼人之志，善述人之事也。【冠】爲衆之首。【禾水】一名永新江，源出江西蓮花縣南之禾山，東南流經永新廬陵入贛江。

【詼諧】戲謔也。漢書：東方朔辭，詼諧倡優。【病】短也。國語：舅所病也。【善戲謔兮二句】見毛

詩淇澳章。【衛武】衛康叔八世孫，名和，在位五十五年卒，年九十五，諡曰武。【談言微中】謂婉談善諷，曲中事理也。語本史記滑稽傳。

【先朝鉅公】謂錢謙益也。謙益，常熟人，字受之，號牧齋，明萬曆進士，官至禮部侍郎，坐事削籍歸。福王時召爲禮部尙

書多錄定江南，謙益迎降，授禮部右侍郎，謫歸鄉里。【惑志一姬】姬本姓楊，名愛，初爲吳江名妓，後爲錢謙益妾，改柳如是，字隴

蕪，相得甚歡，攝絳雲樓居之，謙益死，以家難死。【今朝先朝】今朝謂清，先朝謂明也。

書吳延仲集後

延仲學問該博，爲文章多本兩漢，其詩出風入雅，如感秋射潮諸篇，皆深壯有當世之志。近體頗哀豔，在韓李閒，非其至也。

少年時就燕煇音京廷對。猝粗忽遇老中貴延請，置之上坐，求爲作兔山五龍

亭梳妝樓諸記，天壇迎神諸歌，既畢，酌之金五百鎰。逸音願奏天子，延仲辭。

余己卯下第歸，嘗過延仲飲，見有伎武氏者在側，是時山東劉大將軍，方擬

青齊諸侯王，請以金屋貯伎，伎曰：「願得終身操俞音麀府音，侍吳仲子文筆足矣。」

其爲人所傾慕如此。

昔司馬相如，能以琴聲奔成都豪女，又遇楊得意，薦其詞賦，得陪昆明未央

之遊，後世每豔稱之；相如大節，固不足為延仲道，然延仲卒窮不遇死矣！夫當世貴要，豈無操衡量文章引拔人材之權者？顧其識反出狗監與蛾眉下，何也？

延仲生明思宗閒，天子嘗寤誤音寐想見天下之士，而同時才賢流落，又不止

一延仲嗚乎！明社遽墟，誰之咎歟？

【該博】謂博學多識也。王安石詩：文藝又該博。【出風入雅】詩有國風大小雅，此言諸作不離風雅也。【哀豔】謂詞旨悽

惻。綺麗也。柳冕文：自屈宋已降，為文者本於哀豔，務於恢誕。【韓李】唐韓偓李商隱也。【燕京】北京。【廷對】謂在朝面

對也。後漢書：邳彤論：邳彤之廷對，其為幾乎。【猝】急遽也。【中貴】即中官，內臣之貴倖者，後專以宦官為中貴人。【兔山

五韻亭】均在明宮中。【梳妝樓】燕史：金海橋之東北，巋然若山者，曰廣寒殿，俗云遺后梳妝樓。【天壇】亦曰闕丘，為皇帝

祀天之所，明嘉靖中建，在京師正陽門外，制圓，分三層。【益】二十四兩為益。【己卯】見前陳其年詩序。【下第】謂考試不

中式也。【山東劉大將軍】謂劉澤清也。澤清，曹縣人，明時官至左都督，加太子太師。李自成陷京師，澤清與馬士英等擁立福

王，封東平侯，屯兵山左，後降清，謀叛，被殺。【金屋】言其屋之華麗也。漢武故事：武帝為太子時，長公主欲以女配帝，問曰：得阿嬌好

否？帝曰：若得阿嬌，當以金屋貯之。【隘廩】縣名，故城在今陝西涇陽縣東，其地產墨，漢時尚書令僕丞郎，月賜隘廩墨二枚，故詩文

中或稱墨曰隘廩。【以琴聲句】成都蒙女，謂卓文君也。文君，王孫女，司馬相如飲於卓氏，文君新寡，相如以琴心挑之，文君夜奔

相如，與馳歸成都。【揚得意】武帝時為狗監，薦相如，召為郎，通西南夷有功，尋拜孝文園令。【昆明未央】俱宮名。【狗

監蛾眉楊得意、卓文君也。【思宗】崇禎帝。【寤寐】寤，覺也。寐，寢也。詩：寤寐求之。【明社遽墟】猶言亡也。謂明之社稷，遽變爲坵墟也。

答田中丞書

中丞，名仰。李姬曰：是故以八座交事魏璫者邪？卻其金不往。

承示省訟，慙慙

切馬悔

無所自容，執事與僕齒不啻倍蓰，

徒晉

位不啻懸隔，顧猥

切馬悔

與僕道及少年之遊，謂執事往日曾

曆晉

以兼金三百，招致金陵伎，爲伎所卻，

僕實教之，而因以爬

瑟音

垢索癢，

讀如

甚指議執事者，僕誠不自修飭，然竊恐重爲

執事累也。使執事無可議，則昔賢如白太傅、歐陽公、東坡居士，皆與鳴珂不廢酌

答，未聞後世之議之也。何獨至執事而苛求之？執事果有可議，卽不徵伎，庸但已

乎？

僕之來金陵也，太倉張西銘偶語僕曰：「金陵有女伎李姓，能歌玉茗堂詞，

尤落落有風調。」僕因與相識，閒作小詩贈之，未幾下第去，不復更與相見。後半歲，乃聞其卻執事金，嘗竊歎異，自謂知此伎不盡，而又安從教之？且執事之邀之，

在僕去金陵之後，今天下如執事者不止一人，豈僕居常獨時時標舉執事之姓名，預告此伎，謂異日或邀，若必不得違古往乎？此伎而無知也者，以執事三百金之厚貲，中丞之貴，方且奔命恐後，豈猶記憶一落拓書生之言；倘其有知，則以三百金之貲，中丞之貴，曾音不能一動之，此其胸中必自有說，而何待乎僕之告之也。士君子立身行己，自有本末，反覆來示，益復汗下。僕雖書生，常恐一有蹉跌，將爲此伎所笑，而又能以生平讀數卷書，賦數首詩之伎音，兩音遂頤指而使之邪？惟執事垂察不宣。

【省訟】自省自責也。【惡】慚也。【齒】年齡也。【不啻】不但也。書不啻若自其口出。【倍蓰】倍、一倍、蓰、五倍也。孟子

或相倍蓰。【猥】助詞。史記：猥云德化，不當用兵。【爬垢索癢】猶言吹毛求疵也。【白太傅】唐白居易，官至太子少傅。

【歐陽公】宋歐陽修。【東坡居士】宋蘇軾。【鳴珂】指妓家也。秦觀詞：鳴珂曲裏。【張西銘】即張溥，字天如，太倉人，

與同里張采共學齊名，號東二張。崇禎開集郡中名士，相與復古學，名其文社曰復社。及成進士，交游日廣，自謂以嗣東林，執政惡之，

嚴旨窮究，溥卒而事猶未竟。見明史文苑傳。【女伎李姓】名香君，金陵教坊伎，俠而慧，許身侯方域，開府田仰謀奪之，香君堅拒，

血濺扇面，楊文驄因血點畫成桃花一枝，清孔尚任爲作桃花扇傳奇。【玉茗堂詞】湯顯祖，明臨川人，研精詞曲，著紫釵、還魂、南

柯、邯鄲四記。世稱臨川四夢。湯有玉茗堂集。

【落落】坦白率真也。晉書：大丈夫當礪礪落落。

【蹉跌】失墜也。漢書：不敢蹉跌。

【伎倆】猶言伎能也。陸游詩：天狐伎倆本無多。

【頤指】謂口不言而動頤示意也。

癸未去金陵日與阮光祿書

光祿謂大誠，詳見前贈陳郎序注。癸未，崇禎十六年也，時朝宗二十六歲。

僕竊聞君子處己，不欲自恕，而苛責他人以非其道。今執事之於僕，乃有不然者，願爲執事陳之。

執事，僕之父行也。神宗之末，與大人同朝，相得甚歡，其後乃有欲終事執事而不能者，執事當自追憶其故，不必僕言之也。大人削官歸，僕時方少，每侍，未嘗不念執事之才，而嗟惜者彌日。及僕稍長，知讀書，求友金陵，將戒途，而大人送之曰：「金陵有御史成公勇者，雖於我爲後進，我常心重之。汝至，當以爲師。又有老友方公孔炤，至要切又晉昭汝當持刺次拜於床下，語不及執事。及至金陵，則成公已得罪去，僅見方公，而其子以智者，僕之夙交也，以此晨夕過從。執事與方公同爲父

行，理當謁，然而不敢者，執事當自追憶其故，不必僕言之也。今執事乃責僕與方公厚，而與執事薄，噫！亦過矣！

忽一日，有王將軍過僕甚恭，每一至，必邀僕爲詩歌，旣得之必喜，而爲僕費

世音酒，奏伎，招遊舫，携山屐，劇音殷殷積旬不倦，僕初不解，旣而疑以問將軍，將軍乃

屏丙音人以告僕曰：「是皆阮光祿所願納交於君者也，光祿方爲諸君所詬，願更

以道之君之友陳君定生、吳君次尾、庶稍湔煎音乎！」僕歛容謝之曰：「光祿身爲

貴卿，又不少佳賓，客足自娛，安用此二三書生爲哉？」僕道之兩君，必重爲兩君所

絕，若僕獨私從光祿遊，又竊恐無益光祿，辱相款八口，意良厚，然不得不絕矣。」

凡此皆僕平心稱量，自以爲未甚太過，而執事顧含怒不已，僕誠無所逃罪矣。

昨夜方寢，而楊令君文驄叩門過僕曰：「左將軍兵且來，都人洶洶洶音，阮光

祿颺揚音言於清議堂，云子與有舊，且應之於內，子盍行乎？」僕乃知執事不獨見

怒而且恨之，欲置之族滅而後快也。僕與左誠有舊，亦已奉熊尙書之教，馳書止

之，其心事尙不可知，若其犯順則賊也，僕誠應之於內，亦賊也。士君子稍知禮義，何至甘心作賊，萬一有焉，此必日暮途窮，倒行而逆施，若昔日乾兒義孫之徒，計無復之，容出於此，而僕豈其人邪？何執事文織之深也？竊怪執事常願下交天下士，而展轉蹉跎，乃至嫁禍而滅人之族，亦甚違其本念。倘一旦追憶天下士所以相遠之故，未必不悔，悔未必不改，果悔且改，靜待之數年，心事未必不暴僕音白。心事果暴白，天下士未必不接踵而至執事之門，僕果見天下士接踵而至執事之門，亦必且隨屬其後，長揖謝過，豈爲晚乎？而奈何陰毒左計，一至於此！

僕今已遭亂無家，扁舟短棹，

惟效切

措此身甚易，獨惜執事伎音機一動，長伏

草莽則已，萬一復得志，必至殺盡天下士，以酌其宿所不快，則是使天下士終不復至執事之門，而後世操簡書以議執事者，不能如僕之詞微而義婉也。僕且去，可以不言，然恐執事不察，終謂僕於長者傲，故敢述其區區不宣。

【神宗】見前樓山堂遺集注。

【大人削官歸】大人，謂父恂也。恂爲薛相國，溫相體仁所嫉，嗾給事宋之善奏劾，廢，逮繫獄。

時崇禎九年，朝宗年僅十九。【彌日】終日也。【成勇】明山東樂安人，字仁有，天啓進士，崇禎時擢南京御史，以詆楊嗣昌奪情

入閣，削籍，福王時起御史，不赴，披緇爲僧。

【方孔炤】桐城人，字潛夫，號仁植，萬曆進士，崇禎間巡撫湖廣，擊賊李萬慶等，入戰

八捷。督大名軍務，命下京師陷，孔炤南奔，馬阮亂政，遂歸隱。【刺】書姓名於柬曰刺，今名片曰名刺是也。【以智】孔炤字，

密之，號鹿起，明季四公子之一。崇禎進士，官檢討，入清爲僧，名弘智，字無可，人稱藥池和尚。【貫酒】除酒也。史記高祖微時，常從王

媼負貫酒。【漵】洗祓也。國策：君獨無意漵祓僕也。【楊文驄】明貴陽人，字龍友，福王立，擢僉都御史，巡撫京口，與清兵隔江

相持，兵敗走處州。唐王立，提督軍務，清兵至，退浦城，被執不降，死之。【左將軍】明史左良玉傳：良玉既東，降兵叛卒，率假左軍號

恣剽掠，時帝命呂大器代侯恂爲總督，恂解任，中道逮下獄，良玉知其爲己，故心軼軼，餘詳後寧南侯傳。【洶洶】人衆而鼓噪不靖

也。蘇軾賦：息洶洶於羣動。【子與有舊】言良玉嘗爲父恂部將也。【熊尙書】名明遇，字良儒，進賢人，萬曆進士，由長興令，擢

兵科給事中，極陳時弊，有八憂五漸三無之說。崇禎四年，拜兵部尙書。見明史本傳。【日暮途窮】史記伍子胥曰：爲我謝申包胥

曰：吾日暮途窮，吾故倒行而逆施之。【乾兒義孫】爲魏忠賢之乾兒義孫也。時內外大權，一歸忠賢，有十孩兒四十孫之號。見明

史宦官傳。【文織】舞文法羅織人罪也。【蹉跎】失時也。晉書周處傳：欲自修而年已蹉跎。【嫁禍】嫁已禍於他人也。國策：

張儀說魏王，嫁禍而安國，此善事也。【暴白】大白也。【扁舟】小舟也。史記范蠡既雪會稽之恥，乃乘扁舟，浮於江湖。【短

棹】棹，舟旁撥水之具。【伎】忌嫉之心也。莊子：雖有忮心者，不怨飄瓦。【長伏草莽】言不入仕途也。

爲司徒公與寧南侯書

寧南侯，左良玉也。良玉字昆山，初爲都司，積功至寧南侯，擢太子太保，剿流寇頗有

功，福王時討馬士英，至九江死。

頃待罪師中，每接音徽，嘉壯志，又未嘗不歎以將軍之材武，所向無前，而掙

角無人，卒致一篲，音遺恨。今凶焰復張，墮壞名城，不下十數，飛揚跋扈，音益非

昔比。雖然，天厚其毒，於斯極矣，非常之功，必待非常之人，一時闔外士銳馬騰，有

如將軍者乎？忠義威略，有如將軍者乎？久於行陣，熟悉情狀，有如將軍者乎？然則

今日所稱爲熊羆，音不二心者，舍將軍其誰？

老夫曩者倉卒拜命，固以主憂臣辱，金革之義，不敢控辭，亦緣與將軍知契

素深，相須如左右手，倘得憑先聲，殲音渠俘，音馘音，實千載一時；不謂六年患

難，病疾音已篤，更遭家變，痛毀之過，遂至癘廢，爰以采薪之憂，未畢盡瘁，顧念

高厚，末繇音報塞，惟願將軍賈音其餘勇，滅此朝食；是則十五年舊部所以不忘

老夫，而老夫藉手以答萬一，猶之其身耳矣。勉旃音！勉旃！鄉土喪亂，已無寧宇，闔門百口，將寄白下，喘切音息未蘇，風鶴頻警，相傳謂將軍駐節江州，且揚帆而前，老夫以爲必不然，卽陪京卿大夫亦共信之，而無如市井倉皇，訛以滋訛，幾於三人成虎。

夫江州三楚要害，麾下汛信音防之衝也。郢音襄不戒，賊勢鴟音張，時有未利，

或需左次以驕之，儲威夙飽，殫單音圖收復，在將軍必有確畫，過此一步，便非分壤，

冒嫌疑，義何居焉？若云部曲就糧，非出本願，則尤不可。朝廷所以重將軍者，以

能節制經緯，危不異於安也。荆土千里，自可具食，豈謂小饑，動至同諸軍士倉皇

邪？甚則無識之人，料麾下自率前驅，伴送室帑，匈奴未滅，何以家爲？生平審處，豈

後嫖同剽姚或者以垂白在堂，此自綱紀奉移內郡，何必雙旌聿來相宅，況陪

京高皇帝弓劍所藏，禁地肅清，將軍疆場師武，未取進止，詎宜展覲。語云：「流言

止於智者。」若將軍今日之事，其爲流言，又不待智者而決之矣。

惟是老夫與將軍，義則故人，情實一家，每聞將軍奏凱獻捷，報效朝廷，則喜動顏色，傾耳而聽，引席而前，惟恐其言之盡也。或功高而不見諒，道路之口，發爲無稽，則輒掩耳而走，避席而去，蹙乎其不願聞也。頃者浪語，最堪駭異，雖知其妄，必以相告，將軍十年建豎，中外倚賴，所當矜重以副人望，郭汾陽功蓋天下，勢極一時，而國體所關，呼之未嘗不來，遣之未嘗不去，當其去來，若不自知其大將也。同時臨淮，亦與齊名，其後勢位之際，稍不能忘，偃蹇蹉跎，乃至偏較，與校不復稟承，此無他，功名愈盛，責備愈深，善處形迹，昭白宜早，惟三思留意焉。不盡。

【待罪師中】見前篇削官歸注。【徽】美也。【掎角】軍陳分兩面以待敵者。左襄：譬如捕鹿，各入角之，諸戎掎之。【一簣

遺恨】喻功敗垂成也。書：爲山九仞，功虧一簣。簣，以竹爲之，盛土器。【飛揚跋扈】謂賊數之盛。北史侯景傳：專制河內，常有飛揚

跋扈之意。【熊羆不二心】熊羆，皆猛獸，亦以喻武士。書：則亦有熊羆之士，不二心之臣。【控辭】告辭也。【殲渠】殲，盡也。

盡殺之也。書：殲厥渠魁。【俘馘】獲敵而截其左耳也。左傳：楚子使師繻示之俘馘。【六年患難】崇禎九年，司徒公下獄，至十

四年出獄，所謂六年也。【病疾】猶云災患也。【家變】出獄後，父太常公卒。【癘廢】癘，龍病也。漢書：年老癘病勿遣。【采

薪】言病不能采薪也。孟子：有采薪之憂。【盡瘁】諸葛亮出師表：鞠躬盡瘁，死而後已。【賈其餘勇】賈，賣也。言己勇有餘，欲

賣之。左成欲勇者賈余餘勇。

【白下】地名。故城在江蘇江寧縣北。唐武德時，更金陵爲白下，故今謂江寧曰白下。

【風鶴】苻堅

兵敗，聞風聲鶴唳，皆以爲晉師。

【江州】今九江。

【麾】旗麾之下。

【陪京】猶陪都也，指南京言。

【三人成虎】喻讒

者多，能以僞亂真也。國策：夫市之無虎明矣，然而三人言之則成虎。

【汛防】分防之地曰汛地。蓋設人以稽察行人之處。

【鄖

襄】鄖陽襄陽也。

【鴟張】喻強梁之人如鴟鴞之張其翼也。晉書：怙險鴟張。

【需左次】需用也。易：師左次无咎。正義曰：行師

之法，欲右背高，故左次之。

【部曲】行伍也。漢書李廣傳：廣行無部曲行陳。

【經緯】物之有秩序而整齊者曰經緯。

【室帑】

謂妻子也。各與擊通。

【匈奴未滅二句】霍去病，衛青姊少兒之子，加驃騎將軍，帝爲治第，令視之，對曰：匈奴未滅，何以家爲。

【嫖姚】與剽姚同。勁疾貌。亦指去病，以去病曾爲嫖姚校尉也。

【垂白】老親也。

【綱紀】僕人。【高皇帝】謂明太祖。

【弓劍】謂陵寢之地也。李白詩：軒轅去時有弓劍。

【郭汾陽】謂郭子儀也。子儀封汾陽王。

【臨淮】謂李光弼也。光弼封臨

淮郡王，在徐州擁兵不朝，諸將田神功等不復稟畏，光弼憤恨，成疾而卒。【偏較】其下佐將，指田神功輩。

與任王谷論文書

王谷，清宜興人，名源祥，自號善卷子，學者稱息齋先生。

僕少年溺於聲伎，未嘗刻意讀書，以此文章淺薄，不能發明古人之旨，然其大略亦頗聞之矣。

大約秦以前之文主骨，漢以後之文主氣，秦以前之文，若六經非可以文論論

也。其他如老韓諸子左傳戰國策國語皆歛氣於骨者也。漢以後之文若史若漢若八家最擅其勝皆運骨於氣者也。歛氣於骨者如泰華三峯直與天接層嵐含雜可危音蹬音非仙靈變化未易逸音攀陟尋步計里必蹶厥音其趾姑舉明文如李夢陽者亦所謂蹶其趾者也。運骨於氣者如縱舟長江大海閒其中煙嶼序音星島往往可自成一都會卽颶音風音忽起波濤萬狀東汨于筆西注未知所底苟能操舵覘星立意不亂亦自可免漂溺之失此韓歐諸子所以獨嗟確音峨額何於中流也。

六朝選體之文最不可恃士雖多而將囂或進或止不按部伍譬如用兵者調遣旗幟聲援但須知此中尙有小小行陣遙相照應未必全無益至於摧鋒陷敵必更有牙隊健兒銜枚而前若徒恃此鮮有不敗今之爲文解此者罕矣高者又欲舍八家跨史漢而趨先秦則是不筏音而問津無羽翼而思飛舉豈不怪哉！
頃見足下所爲杜周張湯諸論奇確圓暢若有餘力僕目中所僅見殫思著

述，必當成名，然亦少有說，覺引天道報施，湯周處，稍涉覲音縷，行文之旨，全在裁制，無論細大，皆可驅遣，當其閒漫纖碎處，反宜動色而陳，鑿鑿音妮妮，使讀者見其關係，尋繹不倦；至大議論，人人能解者，不過數語發揮，便須控馭歸於含蓄，若當快意時，聽其縱橫，必一瀉無復餘地矣。譬如渴虹飲水，霜隼音搏空，瞥音然一見，瞬息滅沒，神力變化，轉更夭矯，足下以爲何如？

僕十五歲時學爲文，金沙蔣黃門鳴玉方爲孝廉，有盛名，每見必稱佳，僕竊自喜；又得同學吳君伯裔日來逼索，盡日且酌和數首，以此得不廢，然皆從嬉遊之餘，縱筆出之，以博稱譽，塞音詆音讓，閒有合作亦不過春花爛熳，柔脆飄揚，轉目便蕭索可憐。近得賈君開宗、徐君作肅，共相磋磨，乃覺文章有分毫進益，賈精於論，徐老於法，二君嘗言此係何等事，君不慘澹經營，便輕率命筆，僕佩其言不敢忘。足下當行文快意時，每一回思之，必賞此言之不謬也。

【溺於聲伎】朝宗性豪邁，不受羈束，嘗讀書東園，每攜季弟逸出，選伎徵歌。

【老韓】老韓韓非也。老韓猶老子，韓非撰韓非子。

【左傳】書名，左邱明撰。【戰國策】書名，漢劉向衷合先秦諸人所記戰國時事并爲一編，名戰國策。【國語】書名，左邱明撰。

【史漢】史記漢書也。史記司馬遷撰。漢書班固撰。【八家】明茅坤以唐韓愈柳宗元，宋歐陽修蘇洵蘇軾蘇轍王安石曾鞏

之文，錄爲一編，稱唐宋八大家。【泰華三峯】泰華山，在陝西華陰縣南，卽西嶽也。山海經云，太華之山，削成而四方，其高五千仞，

其廣十里。是山，爲三峯，南曰松檜峯，東曰明星玉女峯，西曰蓮華峯。【嵐】山氣蒸潤。【磴】石徑。【蹶趾】失足也。【李夢

陽】明慶陽人，字獻吉，弘治進士，著有空同集。文以力摹周秦，而不能變化，時人譏之。【嶼島】俱水中小山，大曰島，小曰嶼。【颶

風】凡季候風與貿易風交代之際，欲易其方向，必鼓盪而成颶風，圍大而形圓，常以五六月發。【汨】流也。【操舵覘星】海

行者恃星之方向，以爲進行之標準。舵，正船之木。【韓歐】韓愈歐陽修。【嵯峨】山高貌。【六朝選體之文】吳東晉宋

齊梁陳爲六朝，自東晉以來，文詞以排偶聲調爲尙，世稱其文爲選體文。【摧鋒陷敵】接戰也。【牙隊】立於帳前，謂之牙門，

蓋牙門之隊。【銜枚】古行軍，或令軍士銜枚，枚狀爲箸，橫銜口中，組繫著於枚之兩頭，結之項後，因軍行禁偶語也。【罕】少也。

【筏】編舟渡水曰筏。【杜周張湯】俱漢人，治獄俱深文刻酷。【覩縷】委曲也。左思賦：嗟難得而覩縷。【繫繫】確實

之義。【媿媿】不倦貌，本作懣懣。晉書：此客懣懣，爲來適人。【隼】鷂鳥。【愀然】忽然之意。【蔣鳴玉】明金壇人，字楚珍，

號中完，崇禎進士，著有吾存及主約。【孝廉】漢武帝始令郡國歲舉孝廉一人，歷代因之，明清稱舉人爲孝廉。【吳伯裔】詳見

後吳伯裔伯胤傳。【詆讓】訶詆而責備也。【賈開宗】詳見後賈生傳。【徐作肅】明商邱人，字恭士，作霖弟，有偶史堂集。

【慘澹經營】猶言極意思索也。杜甫詩：意匠慘澹經營中。

與吳駿公書

駿公，明太倉人，名偉業，號梅村，崇禎進士，清強微之，累官國子祭酒。

十月朔日，域再拜致書駿公學士閣下，域凡駑不材，年垂四十，無所表見，然辱學士交遊之末者，自甲戌以來，今且二十年矣。是時學士方少年，爲天子貴近臣，文章德器，傾動天下，議者謂旦夕入相，屈指曾幾何時，而學士乃披裘杖藜，棲遲海濱，歌彼黍之油油，人生遭際，信可悲也！然學士身隱而道彌彰，域之羨學士之披裘杖藜也，過於坐玉堂秉鈞軸遠甚。

近者見江南重臣推轂學士，首以姓名登之啓事，此自童蒙求我，必非本願，學士必素審，無俟鄙言；然而學士之出處將自此分，天下後世之觀望學士者，亦自此分矣。竊以爲達權救民，有志匡濟之士，或不須盡守硜丘庚切硜，獨學士之自處，不可出者有三，而當世之不必學士之出者有二，試言之而學士垂聽之：

學士以弱冠註未娶之年，蒙昔日天子殊遇，舉科名第一人，其不可者一也。

後不數歲而仕至宮詹占音學士，身列大臣，其不可者二也。清修重德，不肯隨時俯仰，爲海內賢士大夫領袖，人生富貴榮華，不過舉第一人，官學士足矣！學士少年皆已爲之，今卽再出，能過之乎？奈何以轉眼浮雲喪聲去吾故我，其不可者三也。昔狄梁公仕周，耶律楚材仕元，其一時君相，皆推心腹而聽信之，然後堅忍委蛇，移音僅能建豎，兩人心迹，亦良苦矣。今不識當路之待學士，果遂如兩人否？其不必者一也。卽使果如兩人矣，而一時附風雲，輔日月，何患無人，學士前代之遺老也，譬有東鄰之寡，見西家財業浩大，孤弱顛連，自負能爲之綜理，願入其室，而一試焉，其後子仰母慈，奴婢秉主威，果如所操信，則西家之健婦也；顧其若東鄰何？其不必者二也。凡此三不可二不必，亦甚平常了然易見；然時一念之，逢萌梅福，不過如此，不然，則怨猿鶴而負松桂，北山咫尺耳！學士，天下之哲人也，豈不爭此一閒邪？

十年以還，海內典刑，淪沒殆盡，萬代瞻仰，僅有學士，而昔時交遊，能稍稍開

口者，亦惟域尚在，故再四踟躕，卒不敢以不言，萬一有持達節之說陳於左右者，願學士審其出處之義，各有不同，堅塞兩耳，幸甚！

域經患難去聲後，乃知昔日論著，都無所解，今頗學爲古文，并近日詩歌，澄江

返棹後，當圖尊酒一細論之。

【甲戌】崇禎七年，時朝宗年十七歲。【杖藜】以藜莖爲杖也。杜甫詩：明日看雲還杖藜。【彼黍油油】油油，光悅貌。此爲箕

子傷殷亡之歌。【玉堂】官署名。漢書揚雄傳：久汚玉堂之署。宋淳化中，賜翰林玉堂之署四字，自此玉堂之稱，專屬翰林。【鈞

軸】鈞以衡物，軸以轉車，以喻秉要政者。【江南重臣】時搜訪天下文章舊德，海寧陳之遴等，共力薦，以祕書院侍讀徵，顧園子

祭酒。【推轂】謂推舉人才，如推軍鼓使前進也。【童蒙求我】句出周易，謂人來求駿公也。【匡濟】匡，世濟民也。【磬

經】喻淺見而固執也。論語：經，徑小人哉。【舉科名第一人】梅村爲崇禎辛未會試第一人，延試第二，授編修。【宮詹學

士】崇禎庚辰，梅村遷中允，論德，按中允官名，屬詹事府，故曰宮詹學士。【狄梁公仕周】狄仁傑於武后神功初，以鸞臺侍郎同

平章事，睿宗時，追封梁國公。【耶律楚材仕元】楚材字晉卿，元太祖定燕見，處之左右，太宗時拜中書令。【委蛇】從容

自得之貌。詩：退食自公，委蛇委蛇。【逢萌】後漢北海人，王莽殺其子宇，萌掛冠客遼東，光武即位，累徵不起。【梅福】漢宜春人，

補南昌尉，後棄官家居，王莽顯政，棄妻子去九江。【怨猿鶴負松桂句】見北山移文，誘我松桂，欺我雲壑，又云：蕙帳空兮夜鶴

怨，山人去兮曉猿驚，大意謂出山也。【北山】鍾山在北郡，周顧初隱此，後應詔出爲海鹽令，孔稚圭作北山移文譏之。【咫尺】

言逼近也。左傳：天威不遠，類咫尺。【踟躕】猶徘徊也。詩：搔首踟躕。【達節】左成：吳子諸樊既除喪，將立季札，札曰：聖達節，次守節，下失節爲君，非吾節也。【澄江】指江陰。宋有洗心堂，爲蔣靜學處，後改名澄江。

答張爾公書

明張自烈，字爾公，宜春人，崇禎末，南京國子監生。自烈與艾南英爲同鄉，而各立門戶，以評選時文相傾軋，語厲喧嘩，沒世乃休，蓋亦社黨之餘派也。累徵不就，晚卜居廬山，有古今文辨，正字通等十餘種。

僕自患難歸里後，舊遊零落，久不通江左音問，以爲足下已死，去歲見所著書，乃知尙在，因狂喜呼賈三兄開宗告之，瞿考老且病，感足下尙在，喜極而泣。僕又竊疑足下昔日遇黨人之禍，備極苦毒，必無全理，或有假足下名而著書以營利者，急取反覆觀焉，則種種見解議論，悉折中於聖賢，非足下不能爲自是而私心冀，幸足下之眞未死，與萬一恐其已死，而或有人假而託之，乃終日怛怛不休也。

前月抵江陰，忽從陳定生處，接足下手示，定生又爲面述足下之道貌，無減於昔，且盡得其十年來出處生死之槩，始信斯文之未喪，而足下果幸而留也。足

下云幸在後死，尙須僕匡其不逮，共成不朽。僕之鄙陋，豈曰能之，然亦有故人之意，不敢默然已者，惟是以海內之所仰望於足下，轉爲足下期勉。

足下今日已無負前日，但求後日復不負今日耳！今日海內之稱足下者，曰正學也，清流也。昔者奸人秉國，蓋嘗欲錮而殺之，足下能守死以無悔，未幾，故主探詢人望，拔足下以禁近之官，授之以講讀之任，足下侃侃正論不回，卽鼎移社墟，猶閒關存其初服，不忍一旦委於草莽，說者謂足下如此，生平之事畢矣！僕則以爲足下生平方託始於此，何也？足下道高名重，苟一日未死，則天下之仰望，故人之期勉，與夫足下所以自處，皆未知其果能終焉與否，而不可稍自寬假也。譬之傀姑隈切，虛同，學技，音節雖工，面目非情，必俟筵終觴散，始復本來；足下前此，不過習其音節耳，自今以往，乃筵觴時也。觀場者固多，賞音亦自不乏，可不慎哉！

又艾千子已云亡矣，其死時殊不草草，足下向駁議其文章，因及其行已驕復切弋，其在當時，固所不免，但驕復千子之小疵，大節士流所難言，今日論定，似

宜爲賢者隱護也。足下文集中可刪此一則否？并祈裁鑒不宣。

【舊遊】舊時交游之友。【江左】謂長江以東之地，卽今江蘇等處。【黨人之禍】如東林復社，執政大僚，皆目爲黨人也。

【折中句】損太過以補不及，使得中道，謂之折中。史記孔子世家：自天子王侯，中國言六藝者，折中於夫子，可謂至聖矣。中亦讀去聲。

【怵怵】心動也。【江陰】今縣名，屬江蘇省。【清流】謂名士也。三國志：陳羣劭仗名義，有清流雅望。【奸人秉國】

指周延儒溫體仁馬士英阮大鍼輩。【錮】禁錮也。【故主】崇禎帝。【鼎移社墟】謂明亡也。【閉關】艱澀之義。漢書

王莽傳：閉關至滄臺。【初服】未仕以前之服。李白詩：何由返初服。【傀儡】木偶戲也。【艾千子】艾南英東鄉人，字千子，

與同郡，章世純編萬藻陳際泰，以興起斯文自任，兩京繼覆，江西郡縣盡失，南英乃入關，唐王召見，陳十可憂疏，授御史，卒於延平。見明

史文苑傳。清初楊陸榮《三藩紀事本末》載其自縊殉節。【驕愎】猶言意氣用事，故與人反對也。

司成公家傳

叔父司成公諱恪，字若木，年二十四登第，不肯仕，更讀書爲詩賦，三歲而方相國從哲賢之，以爲翰林院庶吉士，然立朝論議，終不肯苟同方相國。

公性寬厚長掌音者，嗜飲酒，不事生產，常家居，其門下生董嗣誥甚平爲郡太

守宋政音枚林一柱之徒，各宰其旁邑，迭請閒，願有以爲公壽，公固閉閣不與通，日召其故人飲酒，故人稍稍有言及者，益拒卻之，更飲以酒，數歲以爲常，以故歷從官通顯矣，而析產不輒豐。

公爲詩推杜甫，而洛陽人王鐸者，後公舉進士，能爲詩，旣第，家貧甚，公更推薦之，鐸以此得入館，後卒以詩名當世。自唐杜旣往，風雅不作，至明乃復振，雖李夢陽何景明倡之，至鐸益顯，公之力也。

天啓閒，公爲編修，而宦者魏忠賢竊政，日殺六音僇士大夫不附己者，公心重

楊漣，音連而與繆昌期友，漣指忠賢二十四罪條上之，天子不能用，反爲忠賢所害，

昌期亦坐死。尋有言忠賢二十四罪章者，故昌期傳趣促音公代具藁，忠賢大怒，坐

曲室中，深念欲殺公，而其假子金吾將軍田爾耕，顧素知公，進曰：「是人頗以詩

賦謬名公卿閒，而能書米芾方味切書，翁必無意曲赦之邪？」忠賢仰視眾音思

日影移晷，音不語良久，乃顧謂爾耕，兒試爲我招之，爾耕退詣公話故舊，因佯言

我之遊魏翁者，欲爲士大夫地也，非得已者。公大悅，呼酒與飲，輒慷慨指當世事，爾耕默不得語。居數日，又詣公，則益爲款言，伺公嬉笑飲酒酣，乃促膝，附公耳言，公且以楊繆故重得罪，我爲公畫計。某月日，乃吾魏翁誕辰，公自爲詩書之，言未得竟，公大怒，推案起，酒羹覆爾耕衣，上淋漓，爾耕低頭慙慙，切女六已而乃大發怒去。

適南樂魏廣微者，亦忠賢之假子也，以大學士掌貢舉，而公爲其下校官，廣微心曠與街，公所薦取士鄭友玄宋攻，輒有意摧抑之，以語挾公，公力與爭曰：「人生貴識大義，恪豈戀旦夕一官，負天下賢才哉？」語侵廣微，而忠賢里人子御史智鋌挺音廉知之，乃力劾公罷官，忠賢積前恨，更矯傳上旨，奪所賜誥，而令公養馬，公卽日脫朝冠，自杖策出長安南門，而其門下生二十三人者，追止於盧溝橋，共置酒觴公，公飲酣，遍顧二十三人者曰：「吾歸矣，幸無覩音顏以羞諸生，諸生第識之，異日有言諸生爲好人者，乃吾弟子也，誠不願諸生爲好官。」二十三人

人者皆泣下，而宋玫終工部侍郎，仗節死，友玄以御史直諫謫，當世名公爲知人。

公既歸，則益召其生平故人者，與痛飲不事事，而里人鄧生者，妄人也，搆小

毀喜印切，詬荷音切公，謂若乃養馬，而我職弟子員，冠固玩切儒冠，公門下奴客忿欲毆鄧

生，公大笑，悉召之與飲皆醉，鄧生乃免。當是時，忠賢實欲殺公不已，會誅死，而公

復起爲庶子，鄧生大懼，更詣公，汗浹印帖切背，前匍匐謝，公又大笑，掖起之，徐飲以

酒，一無所問，鄧生亦醉。

公爲人利易有容，不修苛節，見人無貴賤，皆與飲酒，然遇有所不韙音偉者，輒

義形於色，屹疑匿切不可奪。以庶子遷爲南雍祭酒，大學諸生聞之曰：「是故與南

樂相爭，鄧友玄宋玫者邪！」願入成均近萬人，明興三百年，未之有也！滿歲以病

請歸。

公生平善去聲爲詩，每賦詩輒飲，而前後慮天下事，有不當意，則又感憤日夜

縱飲，久之積病，竟以卒，年四十三，天下皆以公有宰相器，深痛惜之！

當崇禎二年，公之爲庶子也。職記注有浙人溫體仁者揣天子意，自爲書說言羣臣朋黨，得召對，對時體仁鈎挑詬音誅，音碎數音，睨望顏色伏叩頭，爲側媚曲謹狀，天子大悅，趣音立以爲相，公跪墀下，纖悉疏其醜而出，颺音言於朝，體仁病之，數曲懇公，願稍得改易，公固不肯，而謂人曰：「體仁之姦過李林甫，而僞強介若盧杞，果執政，天下且亂，吾所以颺言者，冀天子神明，一聞而感悟耳！」體仁聞，恐遂言之，乃出公於南京云。

初，文相國震孟爲吳門孝廉，年五十餘，老矣。以書謁公於史館，公一見稱之，曰：「子慎自愛，終當輔天子，子必勉之！」其後十餘歲，震孟與體仁同執政，以爭諫臣許譽卿事，不勝去，而體仁終相位者八年，卒亂天下焉。

公著遂園詩二十卷，李自成破宋，子方岳從賊中搜得之，負以過河。公六子，方鎮、方岳、方巖、方聞、方隆、方新。而方鎮城破死，有才名別傳。

【方從哲】其先德詩人，家京師，字中涵，萬曆進士，累拜禮部尙書，兼東閣大學士，卒諡文端。

【長者】謹厚者之稱。漢書：寬大長。

者。【不事生產】謂不知經營產業也。

【董嗣誥】未詳。

【宋玫】明棗陽人，字文玉，天啓進士，累官工部侍郎，清兵攻

州，玫與邑人趙士驥，族兄應亨，知縣陳顯際，悉心城守，城破，並死之。

【林一柱】未詳。

【迭】更迭也。

【請閒】請空際之時

閒以白事，不欲對衆言之也。漢書叔孫通傳：通奏事，因請閒。

【杜甫】唐襄陽人，字子美，居杜陵，自稱杜陵布衣，又稱少陵野老，善爲

詩歌，世號詩史，有杜工部集。

【王鐸】孟津人，字覺斯，明天啓進士，工詩文，兼善書，福王時爲東閣大學士，順治開降清，官至禮部尚

書。【李夢陽何景明】俱見前陳其年詩序注。

【天啓】明熹宗年號。

【魏忠賢】見前贈陳郎序注。

【楊漣】明應山

人，字文備，別字大洪，萬曆進士，熹宗時官至左副都御史，疏論魏忠賢二十四大罪，後爲忠賢所害，崇禎初，謚忠烈。【繆昌期】明

江陰人，字當時，萬曆進士，授檢討，尋以汪文言獄誣連及，削職提問，斃於獄。【假子】養子也。唐內侍李輔國募，稱有假子數十人。

【金吾】執金吾也，官名。應劭曰：吾者禦也，掌執金革以禦非常。師古曰：金吾，鳥名也，主辟不祥。天子出行，職主先導以禦非常，故執此

鳥之象，因以命官。【田爾耕】明任邱人，樂孫，用祖蔭，積官至左都督。魏忠賢斥逐東林諸人，數興大獄，爾耕廣布偵卒，羅織平人，

與許顯純崔應元楊雲孫雲鶴有五彪之號，忠賢敗，伏誅。【米芾】宋襄陽人，嘗居吳，世稱米襄陽，字元章，號海嶽外史，妙於翰墨，得

王獻之筆意。【罍罵】古今注：罍罵，屏之遺像也。臣來朝君，思其所應對之事，行至門內屏外，復應思維。罍罵，復思也。按即今帷幕之

屬。【移晷】晷，日影也。梁書賀琛傳：每見高祖與語，常移晷刻。【佯言】詐言也。韓非子：子之相燕，坐而佯言曰：走出門者何，白馬

也，左右皆言不見。【誕辰】生日也。【淋漓】沾濡貌。【慙】慚也。【南樂】縣名，今屬河北省。【魏廣微】允貞子，萬曆

進士，魏忠賢用事，廣微以同鄉同姓潛結之，遂召拜禮部尚書，兼東閣大學士，益傾陷善類，以札通忠賢，簽其函，內閣家報，人稱外魏

公，見明史關黨類乘錄傳。【貢舉】古有鄉舉里選之制。又諸侯貢士，得人有賞，失人有罰。至漢始漸稱曰貢舉，見韋彪奏議，按此言知

貢舉之官，以司貢舉之事也。如清之會試總裁。【嘽】銜恨也。漢書：太后由此嘽驕。【智鋌】明元氏人，由魏廣微通於忠賢，得

擢御史，鋌以乙科起家，欲得忠賢歡，搏擊彌銳，忠賢大喜，加大僕少卿，見明史。闕黨曹欽程傳。【廉】祭也。後漢書：袁安使仁恕掾肥

親往廉之。【杖策】手持鞭也。莊子：太王居邠，狄人侵之，太王杖策而去之。【盧溝橋】在廣安門外西南，跨盧溝河上，橋長二

百餘步，十一孔，左右石闌凡一百四十柱，柱刻一獅，情態各異，爲燕京八景之一，向爲京師出入要道，今平漢鐵路於其北架鐵橋焉。

【觴】飲人以酒曰觴。【靦顏】羞顏也。【不事事】不辦事也。史記：曹相國世家：卿大夫已下吏及賓客，見參不事事，皆欲有言。

【小覈】纖微之瑕隙也。【詬】厲也。【若汝】汝也。【弟子員】生員也。【冠】加冠於首曰冠。【庶子】官名。古者天

子有庶子之官，秦漢因之置中庶子庶子員，六朝以後，遂爲太子官屬，隋改爲左右庶子，唐時分掌左右春坊，擬侍中中書令，歷代沿之。

【汗浹背】汗流濡背也。【匍匐】伏行也。詩：凡民有喪，匍匐救之。【掖起】扶起也。【不韙】不是也。左：韙，犯五不韙。

【屹不可奪】屹屹然如山之獨立，不可奪其志也。【南雍】明南京國子監稱南雍。【祭酒】國子監首官。【成均】古大

學也。【溫體仁】明烏程人，字長卿，萬曆進士，崇禎初，官尙書，忌周延儒入閣，傾陷之，遂爲首輔，輔政數年，日與善類爲仇，用小廉

曲謹自顯於上，帝悟其奸，免歸。【詆諆】罵也。【睨】側視也。【趣】急促也。漢書：曹參傳：參乃趣治行裝。【墀】階上地也。

【颺言】大言而疾也。清：阜陶拜手稽首颺言。【病】憂也。禮：病不得其衆也。【李林甫】唐宗室，柔佞狡黠，有權術。玄宗時，代張

九齡爲相，厚結宦官妃嬪，察帝動靜，故奏對皆稱旨。【盧杞】唐滑州人，字子良，有口才，外陋內險，德宗時爲相，專權自恣，朝政大亂。

【文震孟】明長洲人，字文起，天啓中殿試第一，授修撰。崇禎時賊犯皇陵，痛陳致亂之源，擢禮部左侍郎，兼東閣大學士，與溫體

仁不協，被劾落職歸。【許譽卿】明松江華亭人，字公實，萬曆進士。天啓時爲吏科給事中，楊漣劾總忠賢，譽卿亦抗疏極論忠賢怒

甚，遂鏽秩。崇禎時起官，而閹黨肆毒，朝官交相構陷，言輒不用，終以削籍，明亡爲僧，久之卒。

賈生傳

賈生名開宗，商邱人也。少落拓不羈，十四歲，從其師學，師故儒者，喜繩墨，賈生慕司馬相如之爲人，手擊劍鼓琴，嗜遠遊，師以勿類己，諂之，賈生固謂我非儒，奈何儒者責我，卽日除弟子籍，更去與里中少年伍，閒讀書爲文詞，干謁當世，舉茂才第一。是時賈生已年二十餘，益負才不事生人產業，破家葬其妻，陳騰鳳來校士，寓意郡太守，欲賈生充餼。切縣官賈生曰：「我當不日爲卿相，何至謀升斗。」卻不就。日共郡人張渭等，約汗漫遊，做阮嗣宗縱飲六十日，白晝射箭，中夜擊鼓，宋俗上元夜張燈飲酒，賈生率其徒，服彤衣，駕鹿車，疾馳百餘里，漏下三鼓，抵睢陽。司氏者，睢陽巨族也。張銀瓢容酒數斗，約能勝飲者，持瓢去，羣少皆醉臥窘。切甚，賈生忽叱咤。切登階，舉滿一飲，卽擲瓢付奴持之，不通姓名，坐

賓駭散。

久之，賈生貧益甚，盛夏服裋褐音不完，過市，兒童隨笑之，賈生浩歌不輟。會太原孫傳庭調商邱令，知賈生，下車引見，日往謁，爲計貲財，復田舍。閱數歲，東平侯劉澤清開府淮陰，奏除翰林院孔目，掌其軍書記，賈生察其異趣，不肯就。澤清跋扈，內挾權相，嘗衣白衣從軍，因事調護。乙酉，澤清自海道來降，賈生乃辭歸里，凡七應舉不第，作長歌云：「自從廿載落魄餘，不信天上有奎宿。」因大悟，盡焚其素所讀書，閉戶揣摩十餘年，馳騫音於先達師說十餘年，最後而冥坐窮思，與侯方域徐作肅往復辯論，又幾十年，卒軌於正，天下以純儒稱之。

既老，更追憶少遊京洛，集所聞見，述帝都君德相術三篇，走秦岱，音代觀日出處，述山靈地勢二篇，已買舟金陵，泛吳越歸，而星象占緯兵食圖籍，各有論說。大槩其學術行業，恢奇滢音濇，音適於致用，然欲以轍迹求之，又不得也。常與侯方域爲忘形之友，張渭徐鄰唐吳伯裔伯胤徐作霖作肅宋犖爲文酒之友，張翮沈

譽釋頂日乘闢爲方外之友。又自稱爲野鹿居士。

侯方域曰：以余觀賈生，所謂美質善變，每變必趨上者邪？抑依隱曼世，所稱

大人先生者歟？少年類邯鄲俠，而後乃大雅卓爾，嗚呼！彼終身守一衆矣，倘

非其與道屈伸，亦焉能知之哉？

【商邱】今縣名，屬河南省。【落拓】北史楊素傳：少落拓有大志，不拘小節。【不羈】不受檢制也。【司馬相如】漢成

都人，字長卿，武帝時召爲郎，通西南夷有功，長於辭賦，漢魏六朝之文人多倣之。【誚】譴責也。史記黥布傳：項王數使使者誚讓召

布。【茂才】秀才也。經漢光武帝名秀，故改秀才爲茂才。【寓意】託以見意也。老學菴筆記：淵明之詩，皆率然寓意而不流於

物。【太守】官名，秦本名郡守，漢景帝時始稱太守。【餼】廩餼也。【縣官】縣中官學也。【張渭】詳見後徐作霖張渭傳。

【汗漫】放浪而無檢制之謂。【阮嗣宗】三國魏尉氏人，名籍，字嗣宗，嗜酒放蕩，官至步兵校尉，人稱阮步兵。【龙衣】雜色

之衣也。左閔：衣之龙服。【鹿車】窄小之車，列女傳：鮑宣妻少君，與宣共挽鹿車歸鄉里。【睢陽】春秋宋地，秦置縣，唐置郡，改縣，

爲宋城，故城在今河南商邱縣南，漢梁孝王之都也。【窘】困也。【叱咤】怒聲也。史記：項王暗啞叱咤，千人皆廢。【袒褐不

完】見漢書。袒者，謂僮豎所著布長襦也。褐，毛布之衣。【孫傳庭】字伯雅，一字白谷，萬曆進士，天啓中，商邱知縣，入爲吏部主事，官

至兵部侍郎，督師出關，陷陣死。【劉澤清】曹縣人，明時官至左都督，加太子太師，李自成陷京師，澤清與馬士英、高傑等擁立福

王，鎮淮北，封東平侯。多鐸闖揚州，澤塔分兵由徐州趨淮安，澤清迎降，後謀叛，被殺。【開府】謂開建府署也。名始於漢末，後世稱督

撫爲開府。【孔目】官名，掌旬稽文牘。唐有渠賢殿孔目，宋時內外衙署多置之，明惟翰林院置孔目。【跋扈】猶強梁也。後漢書

梁冀傳：質帝曰冀曰：此跋扈將軍也。【權相】謂馬士英輩。【奎宿】二十八宿之一。【馳騫】猶言奔走也。史記：此布衣馳騫

之時。【先達】前輩也。【徐作肅】見前。【岱】岱宗，即泰山也。在今山東泰安縣。靈王制：五月南巡守，至於岱宗。【金陵】

見前。【星象】謂天星明暗薄蝕之類，天文家用以占驗者。晉書：星象麗天。【占緯】占候緯識之言，可以預知吉凶。【恢奇】

雄偉奇異也。【潯潑】廣人之貌。家語：賜願使齊楚合於潯潑之野。【忘形之交】言朋友相交以神，不拘形迹也。唐：孟郊傳：

郊性介少諧合，聲愈一見爲忘形交。【徐鄴唐】清商邨人，字通黃，與侯朝宗宋擘等爲六子社。晚喜研究性理，主講范文正公書院

以終，學者稱我齋先生。【吳伯裔伯胤徐作霖】俱見下本傳。【宋擘】清商邨人，字牧仲，號漫堂，又號西坡，官至禮部尙

書。【張翮】明長洲人，字鳳儀，善畫人物山水。【沈譽】詳見後沈季宣墓誌銘。【頂日乘闕】皆僧名。【邯鄲】今縣名，

屬河北省。【大雅卓爾】後漢書景十三王傳：天惟大雅，卓爾不羣。

吳伯裔伯胤傳

吳伯裔者，少貧，育於舅劉格，格長音者，嘗舉孝廉，家饒於財，數音推與伯裔

千金，以此得讀書，交遊天下賢豪。伯裔淹通古今，高自稱許，夷然不屑也。弟伯胤，

少裔八歲，而讀書與裔等。郡人劉瀚，格之族父也，嘗聞格言，二子當富貴，乃以其

孫女妻伯胤，而盡以其財產贈之。伯胤之妻亦賢，輒出私財佐酒食費，而勸胤從伯氏學。胤早舉明經，爲鄉進士，而伯裔淹塞。後丙子，伯裔乃舉孝廉，胤亦迄不第。

伯裔爲人，沈練英博，慷慨負大志，論者以其出處，在郭泰皇甫規之間，爲文章，原本經術，歸於大家，嘗簡忽其時人，人以此憚焉；其實憐才，好獎引文士，見人有一言善者，未嘗忘也。伯胤風流文雅，美鬚眉，善書，生平事裔如父，其學亦皆裔教之，惟爲詩稍輕，不及裔，其餘制作溫澁，悉中切音胤矩度，皆不及見用，以城破死，而其父年七十餘，兩目皆盲，顧獨在。賊去後，伯裔婦程氏，嘗使人僞爲裔胤狀立於父前，父輒以手摩之而喜，旣乃審其妄，坐土坑上，搏膺而呼曰：「裔胤皆何往乎？老人安歸乎？」哭大痛而無淚，不絕聲，三日，亦以死。程氏自乞木爲棺而葬之。

後其家求裔胤之死處，卒不得，而賈開宗曰：有孔尙達者，裔之同年生也。嘗從闖賊，見伯裔死時，以目視尙達不語，其色不撓；而程山人自云城破時，見兩賊以伯胤爲官，繫而牽之，伯胤抗聲言，奴乃以我爲官，我卽爲官，豈從汝賊邪？二賊

更嬉笑諧謔，疾驅之去。噫！可哀也！齋字讓伯，胤字延仲，後皆與徐作霖同贈官。

【劉格】明商邱人，字念劬，家饒於財，以文學爲時所重，舉萬曆鄉薦，時文體詭異，格獨好先正，嘗延浙中名士宋鳳翔至家，教其子伯愚甥吳伯裔等，其後皆以古學名世。

【淹通】猶云深通也。韋湊碑：體識沈正，量宇淹通。

【明經】謂明於經術也。漢始以明經射

策取人，唐制六科取士，一秀才，二明經，清時謂貢生日明經。

【淹蹇】淹留蹇遲也，困厄之意。

【丙子】崇禎九年。

【郭泰】

東漢介休人，字林宗，博通墳典，居家教授，嘗舉有道，不就。按後漢書作郭太。

【皇甫規】

後漢朝那人，字威明，永康初徵爲尙書。

【簡忽】簡，輕藐之意。後漢書：俗人拘文牽古，不達權制，奇偉所聞，簡忽所見。

【溫湛】溫厚深華也。

【搏騰】擊胸也。

【闕

賊】謂李自成也。自成，米脂人。明史流賊傳：高迎祥爲自成舅，自稱闕王，迎祥磔死，衆共推自成爲闕王，崇禎十七年稱王於西安，僭號

大順，後竄九宮山，爲村民所困，自縊死。

徐作霖張渭傳

徐作霖者，有雋才，少不得志於有司，以入貲爲諸生。張渭曰：「朝廷歲一大縣，補生徒百人，小者亦四五十人，每歲取天下之士，且逾萬數，而作霖以貲入，豈不異哉？」

張渭者，慕徐渭之爲人，因名渭，自謂狂生，人亦狂之，使酒難近，獨推作霖。

作霖短小精悍，高辭盛氣，遇人皆以奴蓄之，顧謂渭善也。渭鬚繞其面，髮

三音 麤然，又騎馬折其左臂，常踰權音曲，類世之兒童戲繪以爲冥官像者，短舌無正

音，醉後談天下事，則袞袞不倦，爲文敏妙，日成十餘篇。作霖好學深思，常偃仰臥

竟日，或草創，後復毀之，然出而人以爲高文典冊焉。會南昌萬元吉，知作霖，崇禎

三年庚午舉孝廉第一。

作霖既就徵春官，而渭益落，常試居下，自袖其文，爭之提學使者潘曾紘，曾

紘取熟視曰：「子文誠善，吾猝粗忽切未覩也。」竟高拔之。後數年而復袖其文，爭

之提學使者任贊化，贊化怒，更黜渭，渭大噪，而郡之薦紳先生亦爭言渭實名士

者，久之，乃復其故。崇禎七年甲戌，作霖入對策，言：「今天下劇賊窟秦蜀，蹂晉豫，

孔棘殆矣！天子不可不及時收人心，若崇任苛深，責文法，恐天下亂。」傅冠得之

以示文震孟，共嗟歎，署上第，而宰相溫體仁惡其言直，排之不收也。

庚辰，作霖復罷春官，渭亦且摧挫老矣，每醉，則謂其友人曰：「吾馬周也，天下方有事，胡不用我？天下且不知文士，況能知我？」或遂怒罵其坐客，或醉而哭，坐客益以渭爲狂。作霖忽怒罵曰：「若富貴子，席父兄餘業，飽十數椀肉羹耳，天下亂形已成，無英雄能救之者，吾輩固且暮死，而謂渭狂何哉？」舉坐酒皆醒，而其友人吳伯裔、吳伯胤、侯方域，則皆哭泣。時方嬉遊，修春社於吳伯裔之家，因慘沮不樂罷去。

閱二歲，而爲崇禎十五年壬午，宋城破，作霖不知所終，其友侯方域曰：「作霖死矣！作霖，慷慨意氣丈夫也！烏能鬱鬱溷迫脅乎？作霖必死矣！」後甲申，弘光立，錄中外死者，宗伯亦廉知作霖果死，遂爲請贈，以爲祠部郎，而張渭當城破時，賊以刀斫之，頤張且斷矣，渭猶右手灑其髯之血，而以折臂之手，自承其頤，徐步行，口吶音女刷切，吶罵不止，又一賊從後至，斫以刀，乃仆而死。

渭故貧，饒心計縱橫術，立置產逾萬，而其子後鬻於市儉黽音黨切，猾者不數

月皆盡，無所得。作霖無子，有弟作肅，侄世琛，寸平文行甚高，人見之，猶想見作霖云。

侯方域曰：嗚乎！古之死而不知其所者多矣，其懷材質者，或不得見用於世，而傳之亦異，又足悲也！四子之文學不具論，以余交當世之縉紳先生，以及知名士，未有如喬與霖之大略者也。胤稍文弱，然其死又何壯也！渭乃自比徐渭，卽禰衡何足道哉！嗚乎！而皆不幸而死矣！由今論之，豈其不幸歟！豈獨其不幸歟！

【徐渭】明浙江山陰人，字文長，一字天池，諸生，天才超逸，詩文書畫皆工，知兵好奇計，胡宗憲貪徐海，誘王直，皆預其謀，晚又號青藤。

【使酒】因酒而使氣也。漢書：爲人剛直使酒。

【麤麤】細長貌。陸璣詩疏：白鷺頭上有毛十數枚，長尺餘，麤麤然與衆毛異。

【踰曲】拳縮不伸也。【袞袞】多也。晉書：前言往行，袞袞不休。

【偃仰】俯仰也。詩：或棲遲偃仰。【高文典冊】謂朝廷大制

作也。西京雜記：揚子雲曰：廊廟之下，朝廷之中，高文典冊用相如。

【南昌】今縣名。清時與新建同爲江西省治。【萬元吉】明

南昌人，字吉人，天啓進士，崇禎中以楊嗣昌薦，爲大理右評事，軍前監紀，丁內艱歸，福王時，擢太僕少卿，監軍江北，南京失，走歸唐王，總

督江西湖廣諸軍，守贛城破，赴水死。

【春官】禮部也。

【潘曾紱】明烏程人，字昭度，萬曆進士，崇禎間巡撫南贛，徵天下勤王，

僧徽提兵入贛，獨先詣道渡江，以勞卒於軍。

【熱視】國策：明日徐公來，熱視之，自以爲不如。

【猝】急遽也。

【黜】斥也，退也。

【噪】喧呼也。通作譟。【薦紳】官也。與搢紳同。史記五帝本紀：薦紳先生難言之。【窟秦蜀】以陝西四川爲窟窟也。【蹠

晉豫】蹠，彌山西河南也。【孔棘殆矣】孔，甚也。棘，急也。殆，危也。詩：孔棘且殆。【文法】法律規則之屬。史記：程不諶爲人廉，謹於

文法。【傅冠】明進賢人，字元甫，天啓進士，官至尙書，兼東閣大學士，唐王時死難於汀州，血漬地而猶鮮，人歎其忠。【文震孟】見

前司成公家傳。【摧挫】摧折挫抑也。【馬周】唐人，字賓王，至長安，舍中郎將常何家，周爲何條二十餘事，太宗怪問，何曰：此

家客馬周，教臣言之。帝即召與語，大悅，拜監察御史。【席】因也。【慘沮】悽慘鬱塞也。石介詩：瓦石固無情，爲我亦慘沮。【鬱

鬱】猶悶悶也。史記：吾亦欲東耳，安能鬱鬱久居此。【濶】亂也。【弘光】明末，福王由崧年號。【廉知】廉察而知之也。

【祠部】卽禮部。【吶吶】難言貌。禮記：其言吶吶然，如不出諸其口。【市儈】市人，謂買賣之居閒人也。故俗以老於市情，巧詐

百出者，謂之市儈。【鬪猾】鬪，牙儈，主兩家交易之事而取其利，多狡猾之流爲之。【禰衡】東漢平原般人，字正平，少有才辨而

氣尙剛傲，矯時傲物，曹操召爲鼓吏，衡大罵之，操送劉表，表不能容，送黃祖，祖性急，衡卒被殺。

湯御史傳

湯公名兆京，字伯閑，宜興人也。

爲孝廉，有族人抵法者，賂以田，求爲解之，不應，旣而察其誣，乃力爲解而卻

其田。

壬辰登進士第，官豐城令，豐城巖邑，公下車期音基月，立變其俗。有巨盜范紹九者，以都村爲巢穴，劫掠袁臨吉贛之閒，令之左右，皆其耳目，輒捕輒先聞，公則密計而單騎掩之，擒紹九，豫章數千里之患以平。報最，徵拜御史。

神宗皇帝將殺建言御史曹學程，命公臨決，公爭曰：「學程不當死，必殺學程，臣願同日死。」沈相國一貫，傾其同官沈鯉，大興妖書獄，爲羅織計，屬會審，公獨以其事坐音咬皦音生光，獄得解。又嘗特疏請福王之國，寢奪嫡謀。

公爲人孝謹和易，事父母，常爲孺子慕，與鄉人言，呐呐不出口，尤不與公府事，鄉人皆曰：「湯公長音掌者。」及居御史，則慷慨言天下事，數音朔面折廷諍，嘗論柄相煩天子譴音遣責，同事者惶恐喘息汗下，公意氣自如，或今日譴責而明日更言之。公父家居歎曰：「吾兒向循循書生，今乃能強項如此哉！」然性素高介，當官則死其職，過卽澹然無軒冕情。已而念父歿，母春秋高，嘗稱病願家居，凡三奉使，皆天子嚴督之而後行。

掌河南道日，給事趙興邦者，數挾太宰勢，軒輊音至臺綱，公連章劾之，當是時，元古其字亦作丁又音詩教趙興邦，官應震，吳亮嗣，人謂之元趙官吳，比於四凶，迭居要地，無敢撻音嬰者，公視之蔑音密如也。而辛亥京察朝官，更力斥湯賓尹，及其黨鄰之麟韓敬，尤爲士君子所賴云。

初賓尹有盛名，羣小欲擁戴之爲相，賓尹尤鷙音毛悍，陰制朝權，京察未勝之前，一日猶聚其黨招呼，思有所挾持，迨明，公獨袖出一單於吏部堂，羅列賓尹狼戾狀，當事者錯愕，公昂首曰：「今察典欲黜幽，賓尹不黜，誰當黜者？」賓尹故不識公，一日朝會問人曰：「宜興湯伯閔，」人指示之，賓尹悚然，既廢而歎曰：「吾目中素無人，向獨睹湯公意動，今果爲所中竹風切矣。」

先是沈一貫欲殺天下賢士大夫，分立門戶，報復私怨，傳至賓尹爲高弟子，卒未及有所爲而敗。其後屢起屢仆，又四十年，至思宗，任溫體仁，其黨始得志，則前此持之者公力也。

嫩生光具獄。見明史列傳。【羅織】誣罔無罪者，以成其罪也。唐書來俊臣傳：俊臣與其屬朱南山萬國俊作羅織經一篇。【嫩生

光】妖人也。爲東廠捕獲，拷生光妻妾，及十歲兒，以鐵刺指爪，必欲引郭正域，皆不應。生光仰視夢阜，揚大罵曰：死則死耳，奈何教我

迎相公旨，安曰：郭侍郎乎？遂坐生光罪刑。見明史郭正域傳。按生光事，明史錯見楚王傳。沈一貫傳郭正域傳，而正域傳載之獨詳。【福

王】明神宗孫，福恭王常洵子，名由棖，崇禎間，襲封福王，莊烈帝自經，南京諸臣迎立之，稱號弘光。【寢】息也。【吶吶】見上篇注。

【譴】罪也。【循循】有次序也。論語：夫子循循然善誘人。【強項】剛直不屈也。後漢書：董宣爲洛陽令，殺河陽公主蒼頭，

光武使小黃門持宣，使謝主，宣兩手據地不肯俯，帝敕曰：強項令出。【軒冕】卿大夫之車服也。亦以爲貴顯者之通稱。莊子：今之所

謂得志者，軒冕之謂也。【趙興邦】以右給事中掌兵科，先有旨俟遼果底寧，從優叙錄，至是以嘉遇選劾，吏部遂立擢爲太常少

卿。見明史夏壽遇傳。【太宰】吏部尙書謂讀換。【軒輊】車輪之高下。【元詩教】明秦蕪人，萬曆末，由推官入爲給事中，

貪污陰賊，蹙蹙言路，熹宗立，引疾去。【官應震】明黃岡人，爲戶科給事中，萬曆時，與劉廷元元詩教，並貪恣用事，時目爲齊楚浙三

黨，無實，楚黨魁也，後擢太常少卿。【吳亮嗣】楚人。【櫻】鬪也。孟子：莫之敢櫻。【蔑如】蔑，無也。言有若無也。【辛亥】萬

曆三十九年。【京察】京官之考績。【湯賓尹】明宣城人，字嘉賓，萬曆中鄉舉第一，廷對第二，仕至南京國子監祭酒。時臺諫

之勢，積重難返，齊則給事中元詩教，司永春，楚則給事中官應震，吳亮嗣，浙則給事中姚宗文，而湯賓尹輩陰爲之主，其黨趙興邦輩，相

與倡和，務以攻與林排異己爲事。詳見明史夏壽遇傳。【鄒之麟】武進人，浙黨，先坐事謫上林典簿，至是爲工部主事，時元詩教韓

汝求吏部不得，大恨，反攻之，詩教怒，煥爲鱗之鱗。見明史夏壽遇傳。【韓敬】明歸安人，受業宣城湯賓尹，賓尹分校會試，敬卷爲他

考官取棄，賓尹搜得之，強總裁蕭應舉王圖，錄爲第一，榜發，士論大譁，及廷對，賓尹爲敬奮緣，得第一人，後賓尹以考察樞官，校亦稱病

去。見明史孫振基傳。

【鷲悍】以鷲鳥喻人之凶悍也。

【狼戾】以狼性喻人之貪戾也。國策：趙王之狼戾無親。

【錯愕】倉卒

也。後漢書：二人錯愕不能對。按即愕字。

【黜幽】黜退其幽者。書：黜陟幽明。

【思宗】名由檢，光宗子，在位十七年，李自成犯京師，

殉國。【溫體仁】見前司成公家傳。

【趙煥】按縣人，字文光，嘉靖進士，累官吏部尚書。按明史夏嘉遇傳：暑昏，一聽詩教

把持朝局，爲諸黨魁。

【王父】祖也。爾雅：父之考爲王父。

【達觀】爲康不揚所捕，帝令嚴訊拷死，見明史郭正域傳。

【李太

后】神宗生母，性嚴明，顧好佛，京師內外，多置梵剎，動費鉅萬。見明史后妃傳。

【噴】噴水也。見漢書爨巴傳注。

【答】擗擊也。

【骯髒】高亢倜儻貌。

寧南侯傳

寧南侯者，姓左氏，名良玉，字曰崑山，遼東人也。少起軍校，以斬級功，官遼東都司。苦貧，嘗挾弓矢射生，一日見道傍橐駝，馳馬劫取之，乃錦州軍裝也，坐法當斬，適有丘磊魯倅切者，與同犯，願獨任之，良玉得免死。

既失官，久之無聊，乃走昌平軍門，求事司徒公，司徒公嘗役使之，命以行酒，

冬至讌上陵朝官，良玉夜大醉，失四金卮，音支且日謁司徒公請罪，司徒公曰：「若

七尺軀，豈任典客哉？吾向誤若，非若罪也。」

會大凌河圍急，詔下昌平軍赴救。榆林人尤世威者，爲總兵官，入見司徒公曰：「大凌河，當天下勁兵，處圍不易解，世威當行，今旣以護陵不可，公且遣將，誰當往者？」中軍將王國靖，書生也，左右將軍，更不可任。」司徒公曰：「然則誰可？」世威曰：「獨左良玉可耳！顧良玉方爲走卒，奈何帥諸將？」司徒公曰：「良玉誠任此，吾獨不能重良玉乎？」卽夜遣世威前諭意，漏下四鼓，司徒公竟自詣良玉邸舍請焉。良玉初聞世威往，以爲捕之，繞床語曰：「得非丘磊事露邪？走匿床下。世威排闥捷音呼曰：「左將軍，富貴至矣，速命酒飲我。」引出而諭以故，良玉失色戰慄，立移時乃定，跪世威前，世威且跪且掖起之，而司徒公至，乃面與期。詰旦，會轅門，大集諸將，以金三千兩送良玉行，賜之卮酒三，令箭一，曰：「三卮酒者，以三軍屬將軍也，令箭如吾自行，諸將士勉聽左將軍命，左將軍今已爲副將軍，位諸將上，吾拜官疏，夜卽發矣。」良玉旣出而以首叩轅門，墀下曰：「此行倘不建功，當自刎其頭。」已而果連戰松山杏山下，錄捷功第一，遂爲總兵官，良玉自起

謫校至總兵，首尾僅歲餘，年三十二。

是時秦寇入豫，良玉當往剿，見司徒公，司徒公曰：「將軍建大功，殊不負我，欲有言以贈將軍，將軍奚字？」良玉曰：「無也。」司徒公笑曰：「豈有大將軍終身稱名者哉？」良玉拜以爲請，司徒公曰：「卽崑山可矣。」自此乃號爲崑山將軍。

良玉長身頰勦嬰面，驍勇善擊去射，爲左右射，每戰，身先士卒。旣至豫，則向所苦賊帥一斗穀、蝸子、魏、滿天星等皆平，最後戰懷慶，與督府意不合，乃歎曰：「吾卽盡賊，安所見功乎？」遂陰縱之，而寇患始大。

熊文燦者，繼爲督府，嘗受賊金而脫其圍，良玉尤輕之，以至楊嗣昌以閣部出視師，倚良玉不啻左右手，九調而九不至，嗣昌快倚向切死。丁啓睿代督師，則往來依違於其閒，爲良玉調遣文書，未始自出一令，時人謂之左府幕客。然良玉立功最早，威名重一時，強兵勁馬，皆在部下，流賊憚之，呼爲左爺爺。壬午，大出兵。

與李自成戰朱仙鎮，三日夜而敗，良玉還軍襄陽。

初，良玉三過商邱，必令其下曰：「吾恩府家在此，敢有擾及草木者斬。」入城謁太常公，拜伏如家人，不敢居於客將，朝廷知之，乃以司徒公代丁啓睿督師，良玉大喜踴躍，遣其將金聲桓率兵五千迎司徒公，司徒公既受命，而朝廷中變，乃命距河授汴，無尅良玉軍，良玉欲率其軍三十萬覲司徒公於河北，司徒公知糧無所出，乃諭之曰：「將軍兵以三十萬稱盛，然止四萬在額受糧，實又未給度支，今遠來就我，固善，第散其衆則不可，若悉以來而自謀食，咫尺畿輔，將安求之？」卒不得與良玉軍會。未幾有媒孽之者，司徒公遂得罪，以呂大器代，良玉慍曰：「朝廷若早用司徒公，良玉敢不盡死，今又罪司徒公，而以呂公代，是疑我而欲圖之也。」自此意益離，遂往來江楚，爲自豎計，盡取諸鹽船之在江者，而掠其財，賊帥惠登相等皆附之，軍益強。又嘗稱軍饑，欲道南京就食，移兵九江，兵部尙書熊明遇大恐，請於司徒公，以書諭之而止。朝廷不得已，更欲爲調和計，封良玉爲寧

南侯，而以其子夢庚爲總兵官，良玉卒不爲用。燕京陷，江南立弘光帝，馬士英、阮大鍼亂政，良玉乃興兵清君側，欲廢弘光帝，立楚世子，至九江病死，而英王師尾其後，夢庚以其軍降。

初尤世威爲總兵時，往謁薊遼督府曹文衡，文衡尊嚴不少假，更謁司徒公，司徒公諭令勿長跪，相見如弟子禮，世威感悅，願效死，後司徒公行邊，至黃花鎮，上遇火礮災，司徒公壓於敵樓下，背上積二十二死人，世威震而仆五里外，起立，卒不肯去，號而呼，求司徒公，復至敵樓，適有電光照司徒公，世威乃趨而抱之，而以身起其二十二死人者，火及冠，脫其冠，及袍，脫其袍，遂燒其鬚，及其左耳，世威堅不動，竟袒而負司徒公以出，行四十里，抵於山下，邊人謂之尤半耳云。

丘磊者，既坐斬，繫刑部獄十三年，良玉每一歲捐萬金救之，得不死，卒受知司徒公，後爲山東總兵官。

侯方域曰：余少時見左將軍，目不知書，然性通曉，解文義，勇略亞於黥彭，而

功名不終，何歟？當左將軍出軍時，有黨應春者，以軍校逃伍當死，司徒公縛而笞之百，應春起而徐行，無異平時，拔以爲軍官，復逃，再縛之來，應春仰首曰：「筭官實豈異軍校邪？」司徒公異之，以付左將軍爲先鋒，後乃立功佩印爲山海將也。然則將苟有材，得其人以御之，雖卒伍可也，而況於公侯哉！

【遼東】郡名，秦置，今遼寧東南境，在遼河之東，故名。【軍校】武職偏裨之官也。晉書：武帝甚重兵官，故軍校多選朝廷清望之士居之。【斬級】斬首級也。【都司】卽都指揮使司，按明初都指揮使司，掌一省之軍政，職任甚崇，至清代僅爲四品武職矣。

【秦駝】驢駝也。

【錦州】府名，清屬盛京，民國廢，今錦縣，其舊也。【昌平】今縣名，漢置，明升爲州，屬順天府，清因之，民國

仍改爲縣，屬河北省。

【軍門】統兵官之尊稱，明世命文臣總督軍務，稱曰軍門，猶麾下之義耳。【司徒公】朝宗父，侯恂也。

【行酒】酌酒以奉客也。三國志：權既爲吳王，歡宴之末，自起行酒。【若】汝也。【七尺軀】謂身長七尺也。荀子：小人之學也，入

乎耳，出乎口，口耳之間，則四寸耳，曷足以美七尺之軀哉！【典客】接待賓客者。【大凌河】源出熱河塔溝縣西南之尾蘇圖

山，古稱白狼河，東北流經朝陽，入遼寧義縣，折南流經錦縣東大凌河城，注於遼東灣，按孫承宗築城大凌河，工甫竣，清兵大至，圍數周，

祖大壽力屈降，城被毀，在崇禎四年，左良玉赴援，當在此時。【榆林】今縣名，清置府，兼置縣，民國廢府存縣，屬陝西省。【尤世

威】與兄世功弟世祿並勇敢知名，崇禎二年，擢總兵官，鎮守居庸昌平，防護諸陵，積資至左都督，見明史列傳。【走卒】謂隸人執

事供奔走者。【排闥】推開門扇也。禮：排闥脫屣於戶內者，一人而已矣。【戰慄】恐懼也。【移時】少頃也。【詰旦】明朝

也。北史：詰且，還攻東門，克之。【令箭】所以發令者。【勿頭】以刀自殺也。【松山】在遼寧錦縣南山之西，即舊松山所城，崇

禎四年八月，爲清兵所攻。【杏山】在遼寧錦縣西南，舊有杏山驛，明末爲清所取，毀平其城，崇禎四年十一月，爲清兵所攻。【秦

寇入豫】豫河南，秦寇，謂李自成於崇禎十五年圍開封也。【頰面】頰，赤色也。【一斗粟蝎子塊滿天星】三賊名。蝎

子塊，即劉哲，滿天星，即張大受，一斗粟，宋許。外尚有掃地王曹威，白馬鄧天王等渠魁共十六人，悉爲良玉所斬。【懷慶】府名，屬河

南，民國廢，今泌陽縣城，即舊府治也。【與督府意不合】初，良玉受平賊將軍印，浸驕，不肯受督師約束，而賀人龍屢破賊有功，嗣

昌私許以人龍代良玉，及良玉奏瑪璦山捷，嗣昌語人龍須後命，人龍大恨，具以前語告良玉，良玉亦內恨。見明史左良玉列傳。楊死，丁

啓睿代之，良玉亦不用命。【陰縱之】當獻忠之敗走也，追且及，遣其黨馬元利操軍寶晤良玉曰：獻忠在，故公見重，公所部多殺

掠，而閩部猶且專，無獻忠，即公滅不久矣，良玉心動，縱之去。見同上。【熊文燦】貴州永寧衛人，萬曆進士，崇禎十年，拜兵部尙書，代

王家禎總理南畿河南山西陝西湖廣四州軍務。見明史熊文燦傳。【良玉輕之】文燦至安慶，部檄以良玉軍懸焉，良玉輕文燦

不爲用。見明史左良玉傳。【嗣昌怏怏死】監軍萬元吉，知良玉跋扈不可使，勸嗣昌令前軍躡賊，後軍繼之，而身從間道出梓潼

扼歸，以俟濟師，嗣昌不用，賊既入蜀之巴州，人龍兵譟而西，歸召良玉兵合擊，九檄皆不至，獻忠以計給入襄陽城，襄王被執，嗣昌不食

卒。見同上。怏怏，情不滿足也。【丁啓睿】永城人，萬曆進士，崇禎初，歷山東右參政，十三年，用督師楊嗣昌薦，擢兵部右侍郎，嗣昌死，

加啓睿兵部尙書，改稱督師，然實庸才，自嗣昌死二年而啓睿敗，啓睿敗又二年而明亡。見明史丁啓睿傳。【依違】不決也。且依且

違，兩可之詞也。後漢書第五倫傳：倫奉公盡節，言詞無所依違。【李自成】見前吳伯裔伯胤傳注。【朱仙鎮】地名，在河南

開封縣西南，以朱亥舊里故名，爲中國四大鎮之一。【襄陽】今縣名，屬湖北省，與樊城隔漢相望，爲南北用兵必爭之地。【金

【聲桓】清遼東人，明時隸良玉部下，後降清，授鎮守江西鎮總兵，尋改提督，自以功高未酬封爵，遂據南昌叛。【距河援汴】帝聞

良玉敗，詔恂距河圖賊，令良玉以兵來會。良玉畏自成遷延不至，開封以河決而亡，帝怒，罷其官，不能罪良玉也。見明史左良玉傳。

【度支】官名，掌天下租賦物產，歲計所出而支調之，故謂之度支，此言未給度支者，未得度支部之給發也。【咫尺】言逼近也。左

傳：天成不違顏咫尺。【畿輔】近國都所在之地曰畿輔。畿，謂京畿。輔，如漢三輔之類，接近京畿者。【媒孽】陷害之義。漢書：媒孽

其短。【呂大器】字儼若，遼寧人，崇禎進士，擢兵部右侍郎，性剛躁，善避事，京師陷，與丁魁楚擁永明王監國。見明史列傳。【惠

登相】明史左良玉傳：崇禎十三年，良玉乘勝擊過天星降之。過天星者，名惠登相，既降，遂始終爲左良玉部將耳。【熊明遇】進

賢，字良儒，萬曆進士，累官至兵部尙書。【寧南侯】崇禎十七年，封良玉爲寧南伯，福王立，晉爲侯。【馬士英】貴陽人，字瑤

草，萬曆進士，崇禎時，爲兵部侍郎，北京陷，士英等立福王於南京，進東閣大學士，日以勦正人，引凶黨爲務。見明史奸臣傳。【阮大

鍼】見前贈陳郎序。【英王師尾其後】時清兵已下泗州，逼儀真，夢庚遂偕黃澍，以衆降於九江。見明史左良玉傳。按英王即阿

濟格，清太祖十二子，封和碩承親王。【袒】裸露也。【黥彭】漢黥布彭越。【筭】與札通。【山海】關名，古之榆關，在河北

臨榆縣，爲河北長城之要隘。

李姬傳

李姬者，名香，母曰貞麗，貞麗有俠氣，嘗一夜博輸千金立盡，所交接皆當世豪傑，尤與陽羨陳貞慧善也，姬爲其養女，亦俠而慧，略知書，能辨別士大夫賢否，

張學士溥，夏吏部允彝，急稱之。少風調，皎爽不羣，十三歲，從吳人周如松受歌玉茗堂四傳奇，皆能盡其音節，尤工琵琶詞，然不輕發也。雪苑侯生，己卯來金陵，與相識，姬嘗邀侯生爲詩，而自歌以償之。初，皖人阮大鍼者，以阿附魏忠賢論城旦，屏居金陵，爲清議所斥，陽羨陳貞慧，貴池吳應箕，實首其事，持之力，大鍼不得已，欲侯生爲解之，乃假所善王將軍，日載酒食與侯生游，姬曰：「王將軍貧，非結客者，公子盍叩之。」侯生三問將軍，乃屏人述大鍼意，姬私語侯生曰：「妾少從假母識陽羨君，其人有高義，聞吳君尤錚錚，今皆與公子善，奈何以阮公負至交乎？且以公子之世望，安事阮公？公子讀萬卷書，所見豈後於賤妾邪？」侯生大呼稱善，醉而臥，王將軍者殊怏怏，因辭去，不復通，未幾，侯生下第，姬置酒桃葉渡，歌琵琶詞以送之，曰：「公子才名文藻，雅不減中郎，中郎學不補行，今琵琶所傳詞固妄，然嘗昵董卓，不可掩也。公子豪邁不羈，又失意，此去相見未可期，願終自愛，無忘妾所歌琵琶詞也，妾亦不復歌矣。」

侯生去後，而故開府田仰者，以金三百錢，邀姬一見，姬固卻之，開府慙且怒，且有以中傷姬，姬歎曰：「田公寧異於阮公乎？吾向之所贊於侯公子者，謂何，今乃利其金而赴之，是妾賣公子矣。」卒不往。

【張溥】明太倉人，字天如，與同里張采共學齊名，號婁東二張。【夏允彝】字彛仲，華亭人，工屬文，崇禎進士，福王立，擢吏部考功司主事，後投深淵死。見明史列傳。【玉茗堂四傳奇】臨川湯顯祖著。顯祖字義仍，號若士，研精詞曲，著有紫釵環、魂、南柯、邯鄲四記，世稱臨川四夢，名重一時，有玉茗堂集。【琵琶詞】卽琵琶記，元高則誠撰。【己卯】崇禎十二年，時朝宗年二十二歲。【城旦】秦漢時徒刑，罰作苦工也。晝何寇，夜築城，故謂之城旦。【屏】斥也。禮：屏之遠方。【清議】清流所持之議詞也。唐書：天下清議何之。【貴池吳應箕】見前樓山堂文集序注。【屏人】屏退從人也。【假母】俗稱養母爲假母。【鈿鈿】金聲也。因謂人剛正不阿曰鈿鈿。後漢書：卿所謂鐵中鈿鈿，庸中佼佼者也。【世望】世代有名望也。【怏怏】見前。【桃葉渡】桃葉，晉王獻之愛妾，獻之嘗臨渡歌以送之，後人因名渡口桃葉，今江蘇江寧城秦淮青溪合流處。【中郎】蔡邕，東漢陳留人，字伯喈，董卓辟爲祭酒，累遷中郎將，後以卓黨死獄中。【傳詞固妄】高則誠作琵琶詞，以諷王四，言中郎者託詞耳。【昵董卓】卓，東漢臨洮人，廢少帝，立獻帝，弑何太后，自爲太師，開邑名高，辟之，稱疾不就，卓怒，豈不得已到署祭酒，甚見敬重，補侍御史，又轉侍書御史，遷尙書，一日之閒，周歷三臺，昵親近也。【豪邁】謂邁往不羈也。宋史李侗傳：氣節豪邁。【田仰金三百錢】事詳前答田中丞書。錢，古衡名，其說不一，此言三百金也。【中傷】謂攻人過失而陷害之也。後漢書：有忤逆於心者，必求事中傷，肆其凶惡。

李姬傳

馬伶傳

馬伶者，金陵梨園部也。金陵爲明之留都，社稷百官皆在，而又當太平盛時，人易爲樂，其士女之問桃葉渡，遊雨花臺者，趾相錯也。梨園以技鳴者，無論數十輩，而其最著者二，曰興化部，曰華林部。一日新安賈合兩部爲大會，遍徵金陵之貴客文人，與夫妖姬靜女，莫不畢集，列興化於東肆，華林於西肆，兩肆皆奏鳴鳳，所謂椒山先生者，迨半奏，引商刻羽，抗墜疾徐，并稱善也。當兩相國論河套，而西肆之爲嚴嵩相國者，曰李伶，東肆則馬伶，坐客乃西顧而歎，或大呼命酒，或移坐更近之，首不復東，未幾更進，則東肆不復能終曲，詢其故，蓋馬伶耻出李伶下，已易衣遁矣。馬伶者，金陵之善歌者也。旣去而興化部又不肯輒以易之，乃竟輟其技不奏，而華林部獨著。

去後且三年而馬伶歸，遍告其故侶，請於新安賈曰：「今日幸爲開讌，招前

日賓客，願與華林部更奏鳴鳳，奉一日歡。」既奏，已而論河套，馬伶復爲嚴嵩相國以出，李伶忽失聲匍匐蒲音伏音前稱弟子，興化部是日遂凌出華林部遠甚。其夜華林部過馬伶曰：「子天下之善技也，然無以易李伶，李伶之爲嚴相國至矣，子又安從授之而掩其上哉？」馬伶曰：「固然，天下無以易李伶，李伶卽又不肯授我，我聞今相國崑山顧秉謙者，嚴相國儔也。我走京師求爲其門卒，三年，日侍崑山相國於朝房，察其舉止，聆其語言，久乃得之，此吾之所爲師也。」華林部相與羅拜而去。

馬伶，名錦，字雲將，其先西域人，當時猶稱馬狗音回狗云。

侯方域曰：異哉馬伶之自得師也！夫其以李伶爲絕技，無所於求，乃走事崑山，見崑山猶之見分宜也。以分宜教分宜，安得不工哉！嗚乎！耻其技之不若而去數千里，爲卒三年，猶三年猶不得，卽猶不歸爾！其志如此，技之工又須問邪！

【梨園】唐明皇有梨園弟子三百，後世稱優伶爲梨園子弟，本此。【留都】明太祖都南京，至成祖遷都北京，而南京爲陪京，設宮

殿，故曰留都。【社稷】國家之代稱，社祭地，稷祭后稷。【雨花臺】在江蘇江寧縣地，爲金陵扼要之地，相傳梁武帝時，有法師

講經於此，感天雨花，故名。【趾相錯】言遊人之衆。【新安】徽州之稱。【鳴鳳】鳴鳳記傳奇，爲王世貞作。【椒山先生】

明楊繼盛，容城人，字仲芳，號叔山，累遷刑部員外郎，劾嚴嵩十大罪，嵩構之，遂下獄，坐繫三載，竟棄市。【引商刻羽】商羽，五音名。

宋玉對楚王問：引商刻羽，雜以流徵。【抗墜疾徐】高下遲速也。【河套】地名，即蒙古鄂爾多斯，其地東西北三面距黃河，南

限邊城，故謂之河套。明史夏言傳：河套議起，言思建不世功，因會銑請復河套，密疏薦之，謂羣臣無如銑忠者，帝令言擬旨，優獎之者再

銑銳意出師，帝忽降旨詰責，語甚厲，嵩揣知帝意，乃力言河套不可復。【嚴嵩】字惟中，分宜人，弘治進士，世宗時，累官太子太師，竊

政二十年，溺信惡子，流毒天下。見明史奸臣傳。【匍匐】伏地也。詩：凡民有喪，匍匐救之。【顧秉謙】崑山人，萬曆進士，忠賢用

事，秉謙率先詣附，崇禎初，入逆案中，後寄居他縣以死。見明史閹黨傳。【崑山】謂顧秉謙。【分宜】謂嚴嵩。

陳將軍二鶴記

沙隨李氏有二鶴焉，音宜之有年矣。李氏宦於湖湘之間，盡載其室帑與其

財貨器幣以行，而遺鶴，陳將軍者聞之而歎曰：「鶴之不遇也，有如此夫！」顧謂

其門下客，有能知鶴者乎？其偕之以來，既而曰：是黷鶴也。吾尤李氏而黷焉，其庸

愈乎？乃遣使者音彥唁之，而告以其所以待鶴者，明日而使返，又明日而鶴至，至

則館於其堂之廡，武音召匠氏新其宇焉，而命執事者致餼，必專必潔。是日也，考鐘伐鼓，陳清商之樂，大饗其客於堂上，享其士於堂下，曰：「吾以慶夫鶴也。」酒方酣，其從事劉子曰：「昔燕昭王築黃金之臺，以好馬也，而馬果畢至。今公之所以延鶴者至矣，將華亭之大姓，遼東之貴族，吾且見其引領接翼而至也。雖然，公帥臣也，職在選鋒，而養士以佐天下開疆土，除暴亂，不宜以山林隱逸之事自近，若移其所以養鶴者養士，庶吾軍其振乎？」

侯子曰：「甚哉，子之闇暗音於養士也！夫鶴者天下清虛之物也，寡欲而省費，

故可以高人隱士之禮致也。世之戰士，皆驍基悍之徒，彎弓陷刃，目不瞬

而色喜，吾一旦欲得其力而效之於死，是必閒居則美妻妾，厭梁肉，六博羣飲，

仰天而歌烏烏，養以有餘之財，而作其感恩之氣，然後報其主而不叛，吾未見其可以虛數致也。故子之帥以其求鶴者求士，士未嘗不至，若遂以其養鶴者養士，吾恐士之聞風而來者，將掉杜臂而去也。甚哉，子之闇於養士也！」將軍大悅，

避席再拜曰：「敬受教，微公之言，吾幾失士矣。」顧謂二鶴舞而侑觴，因相與劇飲，皆大醉，堂下之士有泣者。

【沙隨】春秋地名，古沙隨國，故城在今河南寧陵縣西北。【豢】養也。【室帑】妻子也。【黠】狎也，嫖也。漢書：黠贖貴幸。

【尤】過也。以李氏爲過也。【信】弔生曰信。詩：歸信衛侯。【館】舍之也。【廡】堂下周屋，亦謂之廊。【餼】食也。【考鐘

伐鼓】考，擊也。伐，亦擊也。詩：子有鐘鼓，弗鼓弗考。【清商樂】本出於漢之相和歌，後魏孝文用師淮漢，收其所獲南音，謂之清商

樂。【酣】飲酒而樂也。【從事】佐吏之稱。漢制，刺史佐吏，如別駕治中主簿功曹等皆爲從事，宋以後廢。【燕昭王】名平，

燕爲齊所滅，燕人立爲王，築黃金臺以招士。【華亭遼東】皆謂鶴也。華亭，地名。今江蘇松江縣西之平原村，即古華亭，晉陸機

故宅在其側。機將死，歎曰：華亭鶴唳，可復聞乎？遼東人丁令威學道於靈虛山，化鶴而歸。【選鋒】選鋒銳之士。【瞬】目動也。

【六博】古遊戲之事。史記：六博闢鞠。注：箸也。行六棋，故云。【烏烏】歌呼聲。漢書：仰天拊膺，而呼烏烏。【虛數】虛拘之禮數。

【掉】搖也。【微】無也。【侑觴】勸酒也。【劇飲】痛飲也。北史：元行恭傳：自擲劇飲，甚得師風。

管夫人畫竹記

元吳興人，字仲姬，一字瑤姬，趙孟頫之妻，封魏國夫人。

曹州余尉，出畫竹一軸以示余曰：此元管夫人所作也。出自大內，明亡後，遊

燕市而得之。

嗚乎！余聞書畫之在大內也，中貴人掌之，玉其櫝讀音而金其緘，而猶誌之以

別璽

徒音

曰，祕閣之寶，今出自天子之宮，而入尉之手，廢興之故，可以感矣。然方其

在大內也，雖玉櫝而金緘，而天子倦萬幾，或終歲不觀，暇則妬寵工媚者各趨而前，書畫不能以其落莫爭也。雖中貴人掌之，而彼日徒營爲酒食醉飽，鬪雞馴貓，亦不知觀；而天下之文雅鑒賞者，固雖欲觀之，而祕閣禁嚴不能到也；是終無由見知於世也。方且真僞雜而美惡溷，戶因不過榮其外而已，尉乃鑒之別之，愛之重之，與天下之有識者，更拂拭而贊歎之，故天下之物，有不必榮於天子之宮，而細於尉之手者。嗚乎！遇合之道，誠難與俗人言也。

尉又云：「今太保宋公，嘗見而欲得之，詭辭以歲久剝落，將入吳中求國

癸音

工裝之以獻。時尉方求補官，舍於太保之館，因遂逡巡以去。其後數朔音見太保，輒

問曰：「畫固在乎？曾求國工治裝乎？」言之而笑，尉終不獻，太保亦不更索也。」嗚乎！尉誠高矣！若太保者不具論，倘亦所謂不貪爲寶者乎？

余嘗觀之，其絹細密有堅致，非近世所能爲，竹瀟瀟神韻，旁有石歷落而遠，其爲管夫人作無疑。

管夫人者，趙文敏之妻也。文敏以宋宗姓仕元爲顯官，今所傳者，翰墨滿天下，豈當時矜重而求索不獲辭邪？抑文敏夫婦借以寫其彼黍離離之感邪？何其有閒情而爲此也？然當時仕之以顯官，矜重其翰墨，而卒使之消遣於藝事，不憂不感，夫婦偕老。嗚乎！當時之所以待勝國者厚矣！凡此皆其可記者也。余因爲之記。

【曹州】府名，清屬山東，民國廢，今荷澤縣其舊治。【尉】古典獄及捕盜之官，皆曰尉。【大內】天子之居。【燕市】北京之市也。【中貴人】宦官也。【積】木匣也。論語：積穢而藏諸。【緘】封也。【璽】印也。古時尊卑用之，秦漢以後，惟皇帝印稱璽。【萬幾】天子治理萬事曰萬幾，亦作萬幾。書：一日二日萬幾。【落莫】猶寂寞也。韓愈文：不落莫否。【祕閣】玉壺清話：興國中，太宗建祕閣，選三館書以置焉。【溷】亂也。楚辭：世溷濁而不清兮。【太保宋公】宋榮，商邱人，字牧仲，號漫堂，又號西陂。累官吏部尚書，加太子少師。【詭辭】不以實告人也。穀梁傳：詭辭而出。【剝落】脫落也。李益賦：苔蘚剝落。【吳中】蘇郡，古稱吳中，史記：項梁殺人，與辯避仇於吳中。【國工】裝潢之好手。周禮：謂之國工。【逡巡】行不進也。賈誼文：九國之師，逡巡遁逃。

而不敢進。【不貪爲寶】左襄宋人或得玉，獻諸子罕，子罕曰：我以不貪爲寶，爾以玉爲寶。【歷落】排列參差也。蘇頌文：初歷

落以星馳。【趙文敏】元趙孟頫，字子昂，號松雪道人，家擅分隸，眞行草書，無不冠絕古今，官至翰林學士承旨，卒贈魏國公，諡文敏。

【翰墨】唐書：李賀辭尚奇詭，所得皆驚逸，絕去翰墨畦徑。【矜重】矜惜貴重也。【彼黍離離】離離，分披繁盛貌。詩：彼黍

離離，彼稷之苗，爲大夫閔周室之詩。【感】憂也。書：率籲衆感。【勝國】所滅之國也。後朝謂前朝，恆曰勝國。

明東平州太守常公墓誌銘

東平州，清屬山東泰安府，民國改縣，屬山東省。

妻父常公，以壬午卒，時宋郡爲寇所破，公易服爲道士以免，既渡河而卒於

曹。其子霖、權厝音之於望魯村，又二年，乃克具槨音如禮迎葬於舊阡，音余爲之

誌而銘曰：

公名維翰，字子羽，少嘗不得於父，然純孝，讓產於異母弟，卒以格性醇厚，與

物無競。既舉孝廉，尤自修飭，八上春官不第，筮仕保定令，邑故褊小，公爲政隨任

其俗，人不知有令，既滿當遷，司徒公數音問所欲得者，皆不應，其子怪之。公曰：

「司徒自篤親，我自守己。」遷東平州守，既至，見民饑，開倉賑焉！當催科，歎曰：「吾

民今賣妻子保性命，天子豈知其至此哉？然停賦則病國，吾願輸家財抵之。」乃盡鬻其田廬二萬金，猶不足，遂坐謫；司徒公又問所欲補，公笑曰：「吾向家財有餘，故可藉以仕，今無矣，尙可仕邪？」公歸而無居，乃居余之北村，茅茨數椽，音慈傳意泊如也。

公雖平易，音異然見以爲不可，卽終始持之；官太守日，有中貴人道過東平，勢張甚，前路令守皆起居拜跪，厚有所饋獻，公獨閉閣不與通，更禁其尉，尉叩頭爭，公卒不許，人稱其介云。

公娶吳氏，繼娶朱氏，生五子四女，植朴霖檄，京切桴，其四蚤死，獨霖在。女長嫁余叔愔，音因次嫁沈譽，幼嫁周司空子業炎，三余妻也。銘曰：

往過東平，父老來迎；愛公及我，有酒如澠。音繩蓋求公與其子皆不得，而見其壻亦猶之乎見公；廉吏不可爲而可爲，公庶幾有其遺風。

【壬午】崇禎十五年。

【曹】曹州。

【厝】停柩曰厝，未葬而以待葬期也。

【榔】外棺也。

【阡】墓道也。杜浦詩：新阡綠水遙。

【修飭】修省謹飭也。【春官】見前。【筮仕】左闕：畢萬筮仕於晉，言將仕宦而占其吉凶也。後謂初入仕者曰筮仕。【保

定】縣名，宋置，清屬順天府，民國改爲新鎮縣。【褊小】狹小也。孟子：齊國雖褊小，吾何愛一牛。【篤親】厚於親戚也。【催科】

猶催租也。宋史：獄訟無冤，催科不擾，爲治事之最。【輸】盡也。左襄：魏絳請施舍，輸積聚以貸。【鬻】賣也。【坐謫】坐擅開倉

賑賑官也。【茅茨】以茅蓋屋也。【椽】以短木布列於屋之上層，兩端附於梁上以承屋瓦者也。【泊如】淡泊無爲之象。

【中貴人】見前管夫人畫竹記注。【尉】見上。【澗】水名。【廉吏不可爲而可爲】慶孟歌，見史記滑稽列傳。

明都察院左都御史太子少保贈少保陳公墓誌銘

代司徒公作。都察院，官署

名，漢以來有御史臺專司察劾，明改設都察院，以都御史爲長官，其次有副都御史僉都御史等，清代因之。

公名于廷，字孟諤。年二十九，舉進士，歷官左都御史太子少保，卒後贈少保，天下稱少保公。少保大節侃侃，爲吏部侍郎日，忤魏忠賢，一削官，同楊漣左光斗出國門，歎曰：「于廷幸不辱身，自此天下士大夫無種類矣！」已而如公言。忠賢誅死，復起，歷左都御史，爭言「驕弁漸不可長，且亂天下。」既爭不得，再削官。未幾，諸大帥握兵者，果養寇自圖便利，浸至開藩鎮，類唐河朔故事，益不肯效命，貽禍

至不忍道，又皆如公言。天下於是不徒多公之節，而更歎公之先見也！公言驕弁時且得罪，余督軍昌平，習知九邊將帥狀，欲颺言佐公，公報書曰：「老臣得以微罪行，不足累公，顧徒薪慮良苦，言不行，死且爲恨，幸公知我，他日誌吾墓可也。」公卒後十餘年，季子貞慧，以張清惠公狀請，余旣已受公託生前，乃誌而銘之曰：

公系出宋名臣永嘉陳公傅良，由永嘉徙居義興湖南，五世至衛輝丞弘甫自湖南贅亳村，視其地蓬蓬有白雲氣，因家焉。又七世至憲章，憲章生一經，一經有孝行，聲去鄉里謚爲孝潔先生；先生方妊，任音而母邵氏嫠，兩刺頸，一指殊，不得死，後奉詔旌節，以公顯，贈夫人；孝潔先生旣不識父，詢得貌，乃繪事之，伏臘嚶嚶，櫻音孺子泣，至老不衰。娶雷夫人，夢虎飛天門之祥，生公，手足結毛成鱗文，襁紀切裸發，保音中數副音自躍起，墮地不驚，旣長，掌音有器量，舉於鄉，不色喜，第進士，授光山令，不受餽，歷唐山秀水，皆以治最，徵拜御史。

公爲御史號敢言，嘗言給事汪若霖梗音鯁直不當黜，又言朱相賡庚音挾私意

逐諫臣，又言王相錫爵黨賡，又言職方郎趙拱極吳有孚輩，皆兩相私人，不宜處

要，又言從官陶望齡顧天峻同峻須切犯清議。其奉命巡河東鹽，嘗言閹人張忠不

法撓撓切政，又言鹽法便宜五事，又言神宗皇帝久不復當陽，以致天怒；正陽

門災，又言鄒元標趙南星王德完皆直臣，當收用。其巡江西，嘗言淮藩庶長子常

洪謀不軌，又言藩宗多庶代嫡，死冒生，幼音長，及詭養異姓，糜祿食爲宗蠹。又

言贛切稅宜節，又言閹人潘相稅湖口，民不聊生。已而言閹當撤，又言并稅亦

當罷。辛酉熹宗改元，公已歷音問烟貳，遷太常卿，紅丸議起，公言向以風顛脫張差

庇其主使已誤，今以誤減紅丸獄更誤。壬戌罷刑部尙書王紀。公又言紀賢臣，持

詔獄議不上，良是不宜罷。甲子，歷戶部侍郎，遷吏部侍郎，尙書趙南星相賀曰：

「冢宰不足喜，與公同官，乃可喜也。」會南星被譴去，公代視事，魏相廣微欲以忠

賢私人代南星，公面拒之，而薦喬允升馮從吾汪應蛟，忠賢大怒叱曰：「是三人

者，庸愈南星乎？」于廷乃黨渠，不可不急逐之。」公既罷，卽騎一驢去，賦詩示漣光

斗曰：「脂韋世所同，侃直性所獨。」忠賢命騎去聲四偵救嬰切，公行李蕭然無所得。丁卯，遣緹音校逮公，適熹廟崩乃止，嗚乎！此公所爲一削者也。

戊辰，皇帝更政，舉遺老，拜公留都右都御史，掌南察，黜陟惟允。辛未，遷北都察院左都御史，公辭不許，拜闕謝畢，退而告人曰：「于廷平生好言天下事，官御史時則其職也。熹皇帝拱默，中人有竊政者，于廷卽去言路亦當言；今天子英明，嘗疑臣下好名沽直，更多言，徒滋疑天子，惟有勉修職業，仰報萬一耳。」壬申八月，御史祝徽畢佐周，以笞武弁失上旨，下都御史議，公乃抗言曰：「陛下赫然留意武功，欲激厲諸介胄臣，卽薄譴兩御史未爲過，然天下將驕卒悍，紀綱不立，尾大之勢，已見萌芽，又摧挫法吏以長音其焰，恐益潰廢不可收拾，將貽聖明之憂方大，今日倘避激聒音，不一深言爲失職，失職且負國，老臣不敢。」是時天子意有所向，公持之益堅，凡五宣諭，五不奉詔，天子怒，公遂歸里，此公所爲再削者也。

公事四主，歷朝四十年，歷官事業，不可殫述，而獨以一再削之故，海內翕然

仰之，兒童走卒，皆知姓名。嗚乎！士大夫砥礪風節，固有所在，而當世乃有媿音嬰音阿音陰巧，邀主固寵，欲以卿相位傳子孫者，亦獨何哉？

公去官後，嘗深念扼腕天下事不可爲，居久之，病卒，年七十。夫人張氏，後公兩月卒，有婦德，門內化之。公四子，張夫人生者二，貞貽賁才早夭，貞裕舉甲子孝廉。王安人生者二，貞達官戶部主事，甲申殉國難去聲死。而季子貞慧最賢，當世所稱定生處士者也。余許以孫女妻其子。銘曰：

死乃銘，公則夫。飛虎祥，白雲氣。乘之遊，固甚慰。千萬年，猶髣髴。

【侃侃】剛直貌。論語：侃侃如也。

【楊漣】見前司成公家傳。

【左光斗】字遺直，桐城人，萬曆進士，拜左僉都御史，劾忠賢及

魏廣微三十二斬罪，削籍。與楊漣俱斃於獄。見明史列傳。

【弁】兵官。

【藩鎮】唐初於重要諸州置都督府，睿宗時置節度大使，玄

宗時，於邊境置十節度使，以禦外蕃，各領數州甲兵，復掌土地人民財產，是爲藩鎮。

【河朔】黃河以北之地也。唐書藩鎮傳云：安史

亂天下，至肅宗大難略平，君臣皆幸安，故瓜分河北地，付授叛將，亂人乘之，遂擅署吏，以賦稅自私，不朝獻於廷。

【昌平】見前寧南

侯傳注。【九邊】明以遼東、薊州、宣府、大同、山西、延綏、寧夏、固原、甘肅爲九邊，各設重兵，統以大帥。【颺言】注見前。【徒薪】

典突徒薪也。漢書：客有過主人者，見其竈直突，傍有積薪，客謂主人，更爲曲突，否則且有火患，主人默然不應。俄而家果失火，鄰里共救

之，幸而得息。於是殺牛置酒，謝其鄰人，灼爛者在於上行，餘各以功次坐，而不錄言曲突者，人謂主人曰：「鄉使聽客之言，不費牛酒，終無火患，今論功而請賓，曲突徙薪無恩澤，焦頭爛額爲上客，主人乃悟而請之。」按今借作防患未然之辭。【貞慧】注見前。【永

嘉】今縣名，明清皆溫州府治，屬浙江省。

制，學者稱止齋先生。見宋史列傳。【義興】郡名，晉置，梁廢，今江蘇宜興縣。【衛輝】府名，清屬河南，民國廢，今汲縣其舊治也。

【蓬蓬】盛貌。【妊】身懷孕也。【殊】絕也。左傳：斷其後之木而弗殊。

田家作苦，歲時伏臘，烹羊炮羔，斗酒自勞。

【嚶嚶】鳥鳴聲。詩：鳥鳴嚶嚶。按嚶泣聲之細也。

【光山】今縣名，清屬河南光州，今屬河南省。

【唐山】今縣名，清屬順德府，今屬河北省。【秀水】縣名，清屬嘉興，並爲浙江嘉興府治，民國廢，今併入嘉興縣。

【汪若霖】字時甫，光州人，萬曆進士，擢戶科給事中，帝以言官紛爭，若霖首倡煩言，由爲潁州判官。見明史汪若霖傳。【鯁直】猶梗直也。北史李文博

文性貞介，直道，好學不倦。【朱賡】見前贈陳郎序注。【挾私意逐諫臣】給事中若霖，先嘗忤賡。及是見黜，適當賡病起，直

時，衆謂賡修飾。見明史朱賡傳。【王錫爵】字元馭，太原人，嘉靖會試第一，廷試第二，授編修，累官禮部尚書，兼文淵閣大學士，參機

務，眷禮逾前，後諸輔臣。見明史王錫爵傳。【趙拱極】字廷劬，職方郎中，申用懋趙拱極黃克讓，爲宰相私，不宜處要地。見明史陳

于廷傳。【吳有孚】未詳。【陶望齡】字周望，會稽人，少有文名，萬曆會試第一，殿試第三，授編修，歷官國子祭酒，卒諡文簡。見

明史唐文獻傳。【顧天峻】官諭德，明史陳于廷傳：詔諭德顧天峻，素于清議，不宜久玷詞林，語皆峻切。【閩人】謂宦者。【張

忠】山西礦監，勅降夏縣知縣袁應春，又勅逮西城兵馬戴文龍。見明史宦官梁永御傳。【撓齷改】撓，鹹也。阻撓鹽政也。【神

宗皇帝名翊，穆宗之子，在位四十八年，年號萬曆。【當陽】天子南面而治也。左文則天子當陽諸侯用命也。【正陽門】

京師內城正南門為正陽門，俗稱前門，即元之麗正門也。【鄒元標】字爾瞻，吉水人，萬曆進士，累進禮部右侍郎，會與馮從吾建首

善書院集同志講學，魏忠賢傳旨，謂宋室之亡，由於講學，將加嚴譴，遂力求去位。見明史鄒元標傳。【趙南星】字夢白，高邑人，萬曆

進士，歷文選員外郎，疏陳天下四大害，以病歸，再起歷考功郎中，大計京官，秉公澄汰，竟斥為民，南星里居，名益高，與鄒元標頗憲戚，海

內擬之。三君，光宗立，進吏部尚書，忤忠賢意，削籍。見明史趙南星傳。【王德完】字子醇，廣安人，萬曆進士，累遷戶科都給事中，光宗

立，擢左僉都御史，初，德完直聲振天下，及居大僚，持論每與鄒元標異，僉為德完惜之。見明史王德完傳。【常洪】淮靖王翊鎮之庶

子，明史諸王傳翊鎮之末王也，與妓王愛狎，冒妾額入宮，且令撫庶子常洪為子，陳妃與庶子常清俱失愛，潛謀易嫡，御史陳王道以理

諭，王出之外舍，常洪遂與宗人翊翎等謀，夜入王宮盜冊寶資貨以出，守臣上其事，勒常洪自盡。【不軌】出乎軌度之外也。史記：大

者叛逆，小者不軌於法，以危其命。【譟】謾語也。唐書張亮傳：亮譟辭曰：囚等畏死見誣耳。【贛稅】江西贛稅也。【潘相】江

西礦監。相激浮梁景德鎮民變，焚燒版房，饒州通判陳奇可諭散之，相反劫逮奇可，相檄上饒縣勘礦洞，知縣李鴻，戒邑人敢以食物市

者死，相竟日飢渴，罷而歸。見明史宦官梁永御傳。【湖口】今縣名，明清皆屬江西九江府，今屬江西省，鄱陽湖之口，故名。【民

不聊生】聊，賴也。小民無所藉賴以生也。【辛酉】天啓元年。【熹宗】名由校，光宗之子，在位七年，年號天啓。【閻貳】

太僕少卿也。【太常】官名，秦置奉常，沿至北齊曰太常寺，有卿少卿各一人。【紅丸】見前贈陳郎序注。【張差】薊州人，

明史王之案傳：萬曆四十三年五月初四日酉刻，有不知姓名男子，持棗木棍，入慈慶宮門，擊傷守門內侍李鑑，巡皇城御史劉廷元鞫

犯名張差，止稱吃齋討封，語無倫次，瘋癲具獄，帝諭磔之。【壬戌】天啓二年。【王紀】芮城人，字惟理，萬曆進士，天啓初，為刑部

明都察院左都御史太子少保贈少保陳公墓誌銘

尙書，主事徐大化走魏忠賢門，紀勅罷之，又勅大學士沈灌賄交婦寺，遂斥紀爲民。見明史王紀傳。【持詔獄議不上】修卞年及

熊廷弼事，沈灌劾紀護廷弼，緩卞年等獄爲二大罪。見同上。【甲子】天啓四年。【冢宰】太宰也。論語：百官總己以聽於冢宰。三

年。【魏相廣徵八句】尙書趙南星旣遂，于廷署事，大學士魏廣徵傳忠賢意，欲用其私人代南星，且許擢于廷總憲，于廷不可，以

喬允升馮從吾汪應蛟名上，忠賢大怒，謂所推仍南星黨，矯旨切責，並揚漣左光斗盡斥爲民，自是清流盡逐，小人日用事矣。見明史

陳于傳。【黨渠】黨首也。【脂韋】脂、脂油，韋、軟皮。言柔滑也。楚辭：將突梯滑稽如脂如韋以繫楹乎。【偵】探也。【丁卯】

天啓七年。【緹校】見前贈陳郎序注。【戊辰】崇禎元年。【留都】南京也。【掌南察】于廷與鄭三俊典京察，盡去諸

不肖者，南御史差竣，例聽北考，于廷請先考於南，報可，召拜左都御史。見明史陳于廷傳。【辛未】崇禎四年。【拱默】端拱無爲

之意。【壬申】崇禎五年。【祝徽畢佐周】兩浙巡鹽御史，祝徽，廣西巡按御史，畢佐周，竝擅撻指揮非故事，事聞，帝方念疆場

多故，欲倚武臣，旨下參覈，于廷言軍官起世胄，率不循法度，槩列彈章，將不勝擾，故小過薄責以懲。凡御史在外者盡然，不自二臣始，帝

以指揮秩崇，非御史得杖，令會兵部稽典制以聞，典制實無杖指揮事，乃引巡撫勅書提問四品武職語以對，帝以比擬不倫，責令再核，

于廷終右御史，所援引悉不當意，疏三上三卻，竟削籍歸。見明史陳于廷傳。【答】五刑之一，其法以小荆杖決打，自一十五至五十，分

爲五等，亦以竹板折責，俗謂之小板子。【介胄臣】謂武臣也。甲謂之介，兜鍪謂之胄。禮曲禮：介冑則有不可犯之色。【尾大之

勢】尾大不掉，喻下強上弱也。左昭：王問於申無宇，對曰：末大必折，尾大不掉，君所知也。【萌芽】草木初生之質。漢書：霍氏有事萌

芽。【長焰】長其兇焰也。【激聒】激烈而聲益也。【四主】神宗、光宗、熹宗、思宗。【殫述】殫，盡也。盡行稱述也。【砥

礪風節】磨鍊其節操也。【揜髮】髮也。【扼腕】忿怒貌。爾雅：莫不日夜扼腕。【甲子】天啓四年。【甲申】崇禎十七

年。【殉國難】國亡而身死也。

沈季宣墓誌銘

沈譽，字季宣，相國鯉之族也。少孤，所分產鉅萬，爲其兄蕩費且盡，譽安之無閒言。兄嘗假爲譽券貸財於豪有力者，後來徵無以償，譽妻常氏最賢慧，婉告譽曰：「鬻吾所居，豈不有餘邪？」譽大悅，從之，徙居湫隘，譽天性澹泊，不茹葷血，力學穎悟，有文章名，年二十七而病遂以死。

沈氏自相國鯉以來，爲宋之巨族，無論千餘指，惟相國最貧，其餘皆以財力雄霸閭里間，相國在時，嘗訶黑阿切譽之，而無以禁也。譽獨以寒素稱，然沈氏旣富，而其人或習爲驕奢，或更齷齪濕能音狡紀切獍古切，以謀爲滋殖，雖千餘指，無復有讀書能識字者，譽獨以文章自立，識者皆曰：「此非沈氏子所宜也。」果早卒，無子，一女以妻余子曉。銘曰：

人異其族，是爲不祥。況君之異，乃在文章。疇頑而壽，孰哲而殤。晉大塊不知，

終古茫茫。

【相國鯉】明歸德人，字仲化，嘉靖進士。累拜東閣大學士，卒諡文端。見明史沈鯉傳。【無閒言】無閒隙之言也。【湫隘】低

下窄小之地也。左昭：湫隘囂塵，不可以居。【澹泊】恬靜寡欲也。諸葛亮書：非澹泊無以明志。【茹】食也。【指】計人口之數曰

指，猶動物之稱若干頭也。【訶詈】怒罵也。【齷齪】急促局狹貌。韓愈文：環瑱齷齪者，既不足與語。【狡獪】多詐也。【滋

殖】營財不賢也。【疇】誰也。【殤】未成年喪也。【大塊】地也。莊子：大塊載我以形，勞我以生。

郭老僕墓誌銘

郭老僕，死而葬於城北之金家橋，其主人爲誌其墓而銘之曰：

老僕名尙，十八歲，事余祖太常公，方司徒公之少，而應秀才試，以及舉孝廉，

登進士第，老僕皆身從之。司徒公仕，而西抵秦涼之塞，南按黔方，北盡黃花居庸

邊鎮上，老僕又皆從。司徒公嘗道經華山，攀崖懸洞，而陟其巔，老僕則手挽鐵索

從焉。華山老道士年百八十歲矣，謂司徒公曰：「公貴人也，然生平豐於功業，齎

於福用，當腰圍玉而陪天子飯，此後一月難作，凡有五大難，去聲過此壽可毫音毫，

造音

此僕當濟公於難去聲者也，幸善視之。然老僕殊不事事，司徒公嘗遣視南園

之墅，

蜀語

久之，所司皆荒失，命人迹之，則老僕自攜琵琶，與一嬖同人飲於鹿邑

之城門樓，司徒公怒斥之，不使近，戊辰，赴官京師，老僕固請從。至則日酣飲於城

隍市，司徒公朝所命，老僕暮歸，醉而盡忘之。司徒公怒而罵，老僕則倚壁而鼾，音

鼾聲與司徒公之罵聲更相閒也。積二歲餘以爲常。

司徒公爲烏程相所搆，下獄，顧謂諸僕曰：「爾輩皆衣食我，今誰當從乎？」

老僕涕泣拜於堂下，司徒公熟視曰：「嘻！爾豈其人邪？」老僕前曰：「主人盛時

安所事老僕，老僕亦酣醉耳。今老僕且先犬馬死，主人又患難，豈尙不盡心力，主

人不憶老道士言乎？」自此不飲酒，亦不與其家相通，從司徒公於獄者七年。烏

程相與韓城相相繼秉政，皆苛深，託諸緹校音調察在事士大夫，親朋奴僕，往往

避匿去，老僕嘗衣切既敝衣，星出月入，以事司徒公。

初燕女有姚氏者，數音朔嫁不終，饒於財，每曰：「我當嫁官人耳。」老僕乃僞爲官人娶之，日取其財，易酒食，交歡諸緹校者，故得終始不及於難。去聲後姚氏察知其僞，大哭，罵老僕，以手提其耳，齧音齧其面，面上痕常滿。及司徒公出視師，乃以老僕爲軍官，冠將軍冠，服將軍服，以見姚氏，姚氏則大喜。老僕入謝司徒公曰：「老僕嗜飲酒，今七年不飲酒，此後願日夜倍飲酒以償之。久之，飲酒積病，遂以死，年五十七。老僕有四子，其次嘗犯軍法當死，諸大帥卜從善等羅拜司徒公曰：「非願公緹法，乃軍中欲請之以勸忠義也。」當是時，郭老僕之名，播兩河云。銘曰：汝士大夫之師，而乃居於奴。奴乎奴乎！奴尙則有，士大夫卒無。」

【祖太常公】祖執蒲，明太常寺卿。

【秦】秦川，今陝西甘肅兩省。

【涼】涼州，漢置，今甘肅省，涼者，地處西方，常寒涼也。

【黔

方】貴州地也，貴州省曰黔，沿古之黔中得名。

【黃花】地名，卽黃花埠，亦曰黃花嶺，在今山西山陰縣北。

【居庸】關名，在河北

昌平縣西北，爲天下九寨之一，唐稱薊門關。

【華山】西嶽曰華山，在今陝西華陰縣。

【崖】山邊也。

【老臺】七十曰老，八十

曰耄。

【墅】岡墅，卽田廬也。

【鹿邑】今縣名，明清皆屬河南歸德府，今屬河南省。

【戊辰】崇禎元年。

【歿】臥息也，鼻聲

爲歿。

【烏程相所構】溫體仁，浙江烏程人，公爲其劾免下獄。

【先犬馬死】猶言年老將死。犬馬，自賤之詞。

【韓城相】

謂薛國觀也。國觀，韓城人。崇禎九年擢左僉都御史。明年八月拜禮部左侍郎兼東閣大學士入參機務。爲人陰鷲，刻不厚。少文溫慤，仁因其素仇東林，密薦於帝，遂超擢大用之。見明史本傳。

【詞】刺探也。唐書窺詞時事。

【衣】謂服之也。論語：衣敝緼袍。

【齧】噉也。謂齒相切以斷之也。【細法】曲法以活之。

祭吳次尾文

次尾，見前懷山堂遺集注。

壬辰十月日，梁園侯方域卽陽羨爲文，而三灑酒祭於先友吳君次尾曰：嗚乎！次尾死矣！余蚤決次尾之死，而次尾果死矣！然余時時見吾次尾之面，冷而蒼，鬚怒以張，言如風發，氣奪電光。坐於我上，立於我傍。狂醒酣醉，時一呼之，不知吾友之云亡也。

今過陽羨，陳子來迎。憶我三人，共學石城。嘗更高歌，聲滿帝京。又同時而幾殺其身乎？大鉞與士英。蓋安樂與患難，固無一之弗并。今次尾竟不見而獨見定生。嗚乎！次尾果死矣！因與定生痛哭失聲，君真聞之邪？是夜卽夢君握余手，曲弢平生，歡笑異常，然則次尾又未必死也？

余向聞君死，嘗就梁園爲位，望南而祭，然不欲爲文者，以未悉授命時本末，恐萬一亂真，失吾次尾。今定生乃爲辭去我言，次尾戰敗，危坐正冠，徐起拜故君，辭先人，引頸就刃，意氣彌振。嗚乎！今而後吾次尾果死矣！次尾果死，次尾何慙？音次尾果死，次尾固在。余與定生哭者，友朋之情，而次尾笑者，蓋夢中猶不屑爲兒女子之態。余與定生之於次尾，交親范張，一生一死，拜墓加封，當在君里。以君之神，乘雲策晷，音今古蜉蝣，音由乾坤糠粃，音方且無所不之，而又何必池陽之爲桑梓也。次尾念我與定生別垂一紀，安知不已。駕池陽，過陽羨，格止觀止，特我與定生不能見爾。嗚乎！次尾，讀萬卷書，識一字是。明三百年，獨養此士。

【壬辰】順治九年，時朝宗年三十五歲。【陽羨】卽宜興縣。【石城】石頭城也，時朝宗入南雍，應南京試，交陳公子定生，吳秀

才次尾，及南中諸名人。【大鍼士英】見前。【慙】怨也。書：凡民罔勿慙。【范張】謂東漢范式張劭也，式字巨卿，游太學，與

張劭友，並告歸，式約曰：後二年當過拜尊親，乃共剋期，至日，劭殺雞炊黍以待，式果至，劭死，式爲營葬，護至臨湖。【策晷】鞭策日晷

也。【蜉蝣】蟲名，朝生暮死，喻時之速也。【糠粃】糠殼皮。粃與秕同，不成粟也。喻天地之小也。【池陽】指賞池言。【格止

觀止】格，來也。觀，遇也。止，語助詞。

憫獐

獐本作豨，獸名，似鹿而小，無角，毛褐色，其革細軟。

客有過侯子以獐獻者，侯子曰：「獐可馴乎？」客曰：「夫至德之世，獸可同羣而遊，今子無乃有所不信邪？而何獐之疑歟？」侯子曰：「然！」營室而授獐焉，已而獐呦呦焉，其鳴之悄七小以思，嗥音豪嗥焉，其號音豪之窮以悲也！又夜，則以首搶此發其戶，或視之，瞿音衢然而驚，類於人，多有所不可者。

仲亮王子聞之曰：「子之不善於獐也審矣，曷以授余？」侯子曰：「子之庭有二物焉，其大者，類西旅氏之獒音敖，而小而駿者，韓子盧之裔也。是皆有欲於獐，奈何？」王子颺正忍切然而笑曰：「子非特不善於獐也，又且不知吾子盧與西旅氏，吾將導獐而見之二氏，浸假而共牢以爲食，浸假而共寢以爲處，浸假而相與爲友，而日以益善，予因而安之，豈更害哉？」侯子曰：「雖然，子曷使童子守之，而猶授獐以索。」王子默然不應。

憫獐

居三日，王子以告曰：「吾廢吾童子矣，視二氏之貌，且翦翦焉適矣。」又居三日，王子以告曰：「吾廢吾索矣，視二氏之情，且煦虛切煦然親矣，雖然，獐猶有閒焉。」又居三日，王子以告曰：「獐無閒矣，與二氏者爲一矣。」

又居三日，而西旅氏伺獐之寢也，噬音其吭，音韓子盧拉羅納切其脇，希揖切獐

竟以死。王子蹙然不悅而語侯子以其狀。侯子曰：「子固未之知邪？向二氏之翦焉若適者，所以餌吾童子也。旣而煦煦焉若親者，所以餌去其索，而恐或爲之援也。旣而示之以無閒者，乃所以餌夫獐也。撤其防，去其援，而又探得其情，此西楚霸王之無所用其力，而南宮萬之所以斃也，何況於獐哉？」王子大怒，抽戈以逐韓盧與西旅氏。侯子曰：「無庸也，夫世之相與爲友，日以益善，反出其不意而害之者，其智非始於韓盧與西旅氏也。」

或曰：「是獐也，狷中而狹外，類於人，恆有所不可者，卽無韓盧與西旅氏，亦將有災焉。」

【馴】馴服也。【呦呦】鹿鳴聲。詩：呦呦鹿鳴。【悄】愛也。詩：憂心悄悄。【嗥嗥】野獸聲也。【號】哭也。【搶】觸也。以頭觸其門也。【瞿然】心驚貌。禮：檀弓：曾子聞之瞿然。【西旅氏】西方蠻夷國名。周書：西旅獻獒，太保作旅獒。【藜】獒犬也。爾雅：狗四尺爲獒。【駿】疾也。【韓子盧】國策：韓子盧者，天下之疾犬也。按：韓國有黑犬名盧。見博物志。【裔】遠孫也。【輒然】笑貌。莊子：齊桓公驪然而笑。【索】繩也。【翦翦】佞貌。一云短小貌。莊子在春篇：佞人之心翦翦者。【煦煦】恩惠貌。韓愈文：煦煦爲仁。【噓其吭】翳其咽喉也。【拉其脇】折其肋骨也。【蹙然】愁貌。莊子：大夫蹙然曰。【餌】以利誘人謂之餌。唐書：厚餌僞賞，激動之。【西楚霸王】卽項羽。【南宮萬】卽南宮長萬，春秋宋閔公時爲大夫，魯莊公伐宋，敗之，公以金僕姑射長萬，公右歇孫生搏之，宋人謂之，宋公斫之曰：吾始敬子，今子魯囚也，吾弗敬子矣。長萬病之，遂弑閔公，出奔陳，宋人謂南宮萬於陳以賂，陳人使婦人飲之酒，而以犀革裹之，比及宋，手足皆見，宋人醢之。【狷中】中心褊急也。

盧告

居三日而韓子盧見夢於侯子曰：「天乎天乎！夫子何詈我至於此極也！夫子若以我爲陰陽狙切千架詐而賣吾之友者，吾寧且死於夫子之前，以明我之不受也。」

昔先王辨族以合天下之類，余是以受姓爲西戎氏。同類而殘，謂之忍，同族

而殘謂之悖，今獐之與我，族邪類邪？我之司守於王氏，執狝音生而捕狸，音分也。彼獐者，銳首斜目，細前而蹶音厥後，儼虛淵切。佻音條詭祕以自炫音眩其身，庸知其非狝氏之親而狸氏之黨邪？執而殺之，又何誅焉？且是役也，首兵於西旅氏，西旅氏將舉大事，而我莫與助也，夫子焉得以我爲仁乎？我之交善於西旅氏有年矣，夫子之所知也，而何有於獐？若一旦潰敗其謀，而惟獐之卽焉，舍其舊而新是圖，夫子其又謂我何？幸而獐手爪撲籟音速，天下一妄庸子耳！設其有中山氏之狼，斑寅氏之威，而西旅氏犯不測，出生死相角逐，我乃顧望兩端，成共其名，敗遠其害，縱夫子曲而赦我，我何面目而見吾二氏之父老哉？抑夫子之徵喻與西楚也，失辭日者，秦失其鹿，天下逐之，我實率族爲一旅以從，後高祖定天下，論功惟崇讓蕭何，其餘十八諸侯皆以余爲準，以故熟楚漢事頗悉，彼項氏者，吾敵也，夫是以見利以糜之，分土以角之，多其閒隙以困鬪之，捐小仁以就天下之大計也。夫子奈何以婦人女子之煦煦者，而論敵於友哉？若其爲友者，則有之矣，彼其生同牢，食

同筐，交首而戲弄，分背而摩搔，自以爲交最密而莫之閒也，或投以腐鼠，乃勃然怒，羣起而爭，又恐其爭之不勝，乃陽好而陰與爲伺；或更以其友之情，而泄音之於其仇，是則我與西旅氏所大懼也。當是時，與余同事高祖者曰常山王，其友曰南皮侯，自二氏不終，而其後浸以廣，是其爲道也。負塗而載鬼，黑烏而赤狐，意者其吾族敗類之子邪？而何夫子之詈及於余也？雖然，夫子之言，駸駸乎布已，余恐天下之後生小子，尸祝乎夫子之言，而遂以余當之也。夫子何不賜我以尺寸之地，余且三踊音三號音而湔音其頸之血以上請於帝，化爲天狗而噬夫天下之負塗而載鬼，黑烏而赤狐者，以信余之志，辨余之族類，而洗之於夫子。」

言未畢，眼明同，眴然若有大星之墜於戶者，侯子以寤，出門而王子來曰：「吾韓盧氏死矣？」

【賣友】言見利而害其友也。

【西戎氏】犬戎出陝西，故云。

【狴】獸名，同貙，卽鼯鼠。

【狸】獸名，狐屬。

【分】職分。

【首】尖頭也。

【細前而蹶後】前足細而後足短，行走若蹶也。蹶，顛躓也。

【儼佻】便捷輕佻也。

【詭祕】順宗實錄：王叔文

交遊蹤跡詭譎，莫有知其端者。【炫】矜耀也。【誅】責也。【樸敫】遲鈍貌。【中山氏】狼也。【斑寅氏】虎也。【角

逐】競勝負也。國策：芻犀首而驂馬服，與秦角逐。【顧望兩端】中立兩不助也。【失辭】言之過也。【論功惟崇讓蕭何】

指功狗功人言。史記：高帝曰：夫獵，殺獸兔者狗也，而發縱指示者人也，今諸君徒能得走獸耳，功狗也，至如蕭何，發縱指示，人也。【十

八諸侯】史記功臣表：作十八侯之位次，注謂蕭何、曹參、張敖、周勃、樊噲、酈商、奚涓、夏侯嬰、灌嬰、傅寬、靳歙、王陵、陳武、王吸、薛歐、周昌、

丁復、蟲達也。【煦煦】小仁也。【筐】盛物竹器也。方者曰筐。【腐鼠】喻輕賤之物也。後漢書竇憲傳：國家棄憲，如孤雛腐鼠

耳。【泄】漏也。管子：古言竊有耳者，微謀外泄之謂也。【常山王四句】常山王，謂張耳，南皮侯謂陳餘，二人始為刎頸交，及據

國爭權，耳乃殺餘。【浸】漸也。【負塗載鬼】易：見豕負塗，載鬼一車，謂至穢至怪也。【黑烏赤狐】烏，鸛黑色，狐，獸名，黃赤

色，皆不祥之物。莫赤匪狐，莫黑匪烏。【駸駸】馬行疾也。詩：載驟駸駸。【布】宣布也。【尸祝】尸，為尸者，祝，主讀祝者，莊子：

庖人雖不治庖，尸祝不越樽俎而代之矣。【踊】跳也。【號】哭也。【湔】洗也。【天狗】天上有天狗星。【眼眼】明也。

【窟】寐也。詩：獨寐寤言。

注音
侯朝宗文終

沈恩孚編 國文自修書輯要

一册精裝一元 並裝六角

編者以自修國文最易得益，爰編此書，以餉學者。內容分文字、文章兩類：文字方面，就我國文字之特色，指導學生以研究形體學、聲音學之方法，為研究國文者植其基礎；文章方面，則選輯關於古今文字源流之名著，示學者以研治國學之門徑。學者讀畢此書，對於國文體例即可窺其大概，由此更求深造，自得左右逢源之樂，誠為學校教師、中等以上學生、或服務社會欲求國文深造者不可不讀之書。

評註白話文範本 達文社編

線裝一册 二角

做白話文，雖然不必像做文言文那樣要古典，要選擇詞采，要講聲調，似乎比較容易得多，但在作法上，並不是只須將要說的話隨便寫出，就可成功的，做白話文與做文言文一樣，也要相當的組織。本書共收可為模範的白話文三十篇，各體皆備，每篇之末附有評註，說明該篇的組織和結構，解釋文中難解的字或詞。文中所用的接續詞、助詞等的意義和用法，亦詳加說明，使讀者看了能瞭解白話文的作法。

中華書局出版

國語文類選

朱毓魁編 第四冊 二元

本書係編者選輯傳誦一時之名著百餘篇，分門別類，彙爲一編，使讀者易於檢閱，名著不致散失。範圍包括極廣，計分十類：①文學，②思潮，③婦女，④哲理，⑤倫理，⑥社會，⑦教育，⑧政治，⑨經濟，⑩科學。作家有胡漢民、戴季陶、蔣夢麟、羅家倫、黃炎培、陶行知、胡適之、周作人、任鴻雋、王星拱等數十人，或爲黨國元勳，或爲教育專家，或爲文學泰斗，或爲科學權威，其學問文章，言論思想，早爲國人一致崇拜。且本書所選之材料，重理論而略敘事；而一家有一家的筆法，一篇有一篇的精彩，是以閱讀之後，不特於文章作法，足資楷模，即在思想方面，亦可洗刷一新也。

中華書局出版

民國二十五年十二月印刷
民國二十五年十二月發行



輯注者

發行者

印刷者

總發行處

上海福州路

中華書局發行所

分發行處

各埠

中華書局